


KA LYNTI KA JINGKYRMEN


KA GOSPEL U MARKOS



KA LYNTI KA JINGKYRMEN

KA GOSPEL U MARKOS

REFERENCE
Not to be Lent out



Ka Bible Society Jong Ka Ri India
20 Mahatma Gandhi Road
Bangalore

Library books will give you Joy for Long

THE WAY OF JOY
The Gospel According to St. Mark
Khasi

1977
10,000 Copies—580

©
The Bible Society of India
20 Mahatma Gandhi Road
Bangalore

KA GOSPEL

U MARKOS

REFERENCE
Not to be Lent out

Ka jingialap u Ioannis Nongpynbaptis

I Kaba dang ka gospel U Jisu Khrist,

U Khun U Blei, ² kat kumba la thoh ha ki nongiathuhlypa, Ha khmih, nga phah ia u nongbuhai jong nga ha shuwa kakhmah jong me, uban khreh ia ka lynti jong me. ³ Ka ktien jong uba pyrtat ha ka ri khlaw, Phin pynkhreh ia ki lynti bah U Trai, phin pynbeit ruh ia ka lynti jong u. ⁴ U Ioannis u la pynbaptis ha ka ri khlaw, bad u la ialap ia ka jingbaptis ka jingkylla kaba mut ia kaban map ki pop. ⁵ Hanga te kiba na ka ri Judia, bad ki Jerusalem baroh ki la leit ha u, bad la pynbaptis ia ki da u ha ka wah Jordan, ki da iaphla noh ia ki pop jong ki. ⁶ Te U Ioannis u la kup da ka jain shhiuh ut, bad ka jingpanpoh snieh, ha ka syngkai jong u, bad u la bam da ki puit bad ka ngap khlaw. ⁷ U la ialap ruh, u da ong, Don uba wan nadien jong nga uba kham khraw bor ia nga, kam dei ia nga ban dem ia ka ban loit wat tang ia ki jingteh ki juti jong u: ⁸ nga shisha nga la pynbaptis ia phi da ka um; hynrei uta un pynbaptis ia phi da U Mynsiem Bakhuid.

Ka jingpynbaptis bad ha jingpynshoi ia U Jisu

⁹ Ka la jia ruh ha kita ki sngi, ba U Jisu u la wan na Nasaret kaba ha Galilaia, bad la pynbaptis ia u da U Ioannis ha ka Jordan. ¹⁰ Te kumne kumne ruh haba u dang kiew noh na ka um, u la iohi ba la plie ia ki bneng, bad U Mynsiem u hiar ha u kum ka paro. ¹¹ Ka ktien te ka la wan na bneng, *ha da ong*, Me long U Khun jong nga uba icit, ha me nga angewbha eh.

¹² Te kumne kumne run U Mynsiem u la ialam noh kyrkieh ia u sha ka ri khlaw. ¹³ U la don te ha kata ka ri khlaw sawphew sngi, ba la pynshoi ia u da u Soitan; bad u la don ryngkat bad ki mrad khlaw, bad ki angel ki la iashakri ia u.

U Jisu U khot ia ki saw ngut hi nangtong dohkha

¹⁴ Te hadien ba la byndi ia U Ioannis, U Jisu u la wan sha Galilaia, u da ialap ia ka gospel U Blei, ¹⁵ u da ong ruh, La pyndep ia ka ia, bad ka hima U Blei ka la jan: to phin kylla kaba mut, bad to ngeit ruh ia ka gospel.

¹⁶ Te haba u dang iaid harud ka duriaw Galilaia u la iohi ia U Simon bad ia U Andriw u para jong u, ba ki dang iabred ia ka jar ha duriaw; naba ki long ki nongtong dohkha. ¹⁷ U Jisu te u la ong ki, To wan bud nadien jong nga, te ngan pynlong ia phi ki nongtong briew. ¹⁸ Te kumta ki la iehnoh dak ia ki jar jong ki, bad ki la iabud ia u. ¹⁹ Haba u la nangleit nangta ruh kham jngai khyndiat, u la iohi ia U Jakob u khun U Sebedi, bad U Ioannis u para jong u, kiba don de ha ka lieng ba ki dang shna ia ki jar. ²⁰ Kumne kumne ruh u la khot ia ki; ki ruh haba ki la iehnoh ia U Sebedi u kpa jong ki ha kata ka lieng lem bad ki nongbylla, ki la iabud ia u.

U briew uba don u mynsiem bymkhuid

²¹ Ki la rung ruh sha Kapernam; te kumne kumne ruh ha ka sngi sabbaton u la rung sha ka synagog, bad u la hikai. ²² Ki la sngew kyndit te ia ka jinghikai jong u, naba u la hikai ia ki kum uba don bor, ym kum ki nongthoh kein. ²³ Te la don ha ka synagog jong ki u briew uba don u mynsiem bymkhuid; bad u la pyrta, ²⁴ u da ong, Iehnoh ia ngi; me donkam aiu bad ngi, me U Jisu uba na Nasaret ? me la wan khnang ban pynjot ia ngi ? nga ithuh ia me uei me long, U Bakhuid u jong U Blei. ²⁵ U Jisu te u la dumok ia u, u da ong, Wat jam me, to mih noh ruh na u. ²⁶ Uta u mynsiem bymkhuid te da kaba ring kyrthat ia u bad da kaba pyrta da ka ktien bajam,

u la mih noh na u. ²⁷ Baroh te ki la sngew kyndit, kat ban iakylly hi paralok, ki da ong, Kaei kane ? ka jinghikai bathymmail da ka bor u hukum wat kat ia ki mynsiem bymkhuid, ki ruh ki kohnguh ia u ! ²⁸ Te shen shen ruh ka jingbna shaphang jong u ka la phriang kylleng sawdong kata ka ri Galilaia baroh.

U Jisu u pynkhiash shibun kiwei pat

²⁹ Te kumne kumne ruh haba ki la mih noh na kata ka synagog, ki la rung sha ka iing U Simon bad U Andriw, lem bad U Jakob bad U Ioannis ruh. ³⁰ Hynrei ka syngken kurim U Simon ka thiah ba ka khieshoh; te kumta kumta ki iathuh ha u shaphang jong ka. ³¹ Te u la wan bad u la bat ia ka na ka kti, bad u la khyllie ia ka; te kata ka khieshoh ka la iehnoh ia ka, bad ka la shakri ia ki.

³² Ynda la janmiet te haba la sep ka engi, ki la wallam ha u ia kiba pang baroh, bad ia kita kiba shong ksuid ruh. ³³ Te baroh shi shnong ki la iawan lang ha ka jingkhang. ³⁴ Bad u la pynkhiash shibun kiba la pang na ki jingpang babun jaid, bad u la beh noh shibun ki ksuid; bad um shah ia kita ki ksuid ban kren, namar ba ki ithuh ia u.

U Jisu U ialap ha Galilaia

³⁵ Ha kaba lashai mynstep, dang slem ch ban mih ka engi, haba u la khie u la mih noh, bad u la leit noh sha ka jaka kynjah, bad hangta u la

duwai. ³⁶ Te U Simon bad kita kiba don lem bad u ki la iabud ia u. ³⁷ Bad haba ki la shem ia u, ki la ong ha u, Baroh ki iawad ia me. ³⁸ U la ong te ha ki, Ia ngin ialeit shawei pat sha ki shnong kiba marjan, ba ngan ioh ialap hangta ruh; naba ia kata kein nga la mih noh. ³⁹ U la ialap te ha ki synagog jong ki kylleng sawdong ka Galilaia baroh, u la beh noh de ia ki keuid.

U Jisu U pynkhuid ia uba pang niangthohlieh

⁴⁰ Te uba pang niangthohlieh u la wan ha u, u da kyrpad ia u, bad u da dem khohsiew ha u, bad u da ong ha u, Lada me mon, me lah ban pynkhuid ia nga. ⁴¹ Te U Jisu haba u la angewsynei, u la kner ia la ka kti bad u la ktah ia u, bad u ong ha u, Nga mon; to men long khuid. ⁴² Te u tang shu kren, uta u niangthohlieh u la iehnoh ia u, bad la pynkhuid ia u. ⁴³ Te haba u la hukum akhem ia u, u la phah noh kumne kumne ruh; ⁴⁴ bad u la ong ha u, Sumar men ym iathuh ei ei hano hano; hynrei khie leit noh, pyni ia lade ha u lyngdoh, bad to ainguh na ka bynta ka jingkhuid jong me ia kiei kiei lah kiba U Moses u la hukum, ia kaban long ka jingphla ia ki. ⁴⁵ Hynrei haba u la mih noh, u la sdang ban pynbna haw, bad ban pynphiang kylleng ia kata ka ktien, katba u Jisu um lah leit shuh shapoh kata ka shnong ha kaba paw; hynrei u la shong shabar ha ki jaka kynjah, bad ki la wan ha u na baroh sawdong.

U Jisu U pynkhiah ia uba pang iapshiliang

² Te ynda u la leit pat shapoh Kaper-nam hadien khyndiat angi, la pynbna ba u don ha ling. ³ Te bun ki la ialang, katba ym ngiam jaka shuh, em, wat haduh ka jingkhang: bad u la ialap ia ka ktien ha ki. ⁴ Ki wan ruh ha u kiba wallam ia uwei uba pang iapshiliang, ia uba ki bah saw ngut. ⁵ Te ynda kim lah wan hajan jong u namar uta u paidbah, ki la ialied noh ia ka jingsop na ka jaka ha kaba u la don, bad haba ki la pynpei, ki la iapynhiar noh ia ka jingthiah ha kaba u la thiah uta uba pang iapshiliang. ⁶ Bad haba U Jisu u la iohi ia ka jingngeit jong ki, u la ong ha uta uba pang iapshiliang, Ko khun, la map noh ia me ia ki pop jong me. ⁷ Hynrei don kiba na ki nongthoh kiba shong hangta, bad kiba iapyrkhat ha la ki dohnud, ⁸ Balei ba une u kren kaba bein blei kumne? uei uba lah ban map ia ki pop hynrei tang U Blei hi? ⁹ Te kumne kumne ruh haba U Jisu u la tip ha la ka mynsiem, ba ki la iapyrkhat kumta ha lade, u la ong ha ki, Balei ba phi iapuson ia kine kiei kiei ruh ha la ki dohnud? ¹⁰ kano kaba kham jem, ban ong ha uta ut... pang iapshiliang, La map ia ki pop jong me; ne ban ong, To ieng, to rah noh ia la ka jingthiah, to iaid ruh? ¹¹ hynrei ba phin ioh tip ba U Khun u brier u don bor ha ka khyndew ban map ia ki pop(uong ha uta uba pang iapshiliang). ¹² Ha me nga ong, To ieng joit, rah noh ia la ka jingthiah, bad leit noh

sha la iing. ¹³ Te kumne kumne ruh u la ieng, bad u la rah noh ia kata ka jingthiah, u la mih noh de ha khmat jong ki baroh; katba ki la kyndit noh baroh, bad ki la iaroh ia U Blei, ki da ong, Mynno mynno ruh ngim ju iohi kat kane.

U Jisu U khot ia u Lebi

¹³ U la leit noh pat ruh harud ka duriaw: te u paidbah baroh u la wan ha u, bad u la hikai ia ki. ¹⁴ Te katba u nang iaid noh nangta, u la iohi ia U Lebi u khun U Alphaios ba u shong ha iing khrong, u la ong te ha u, To bud ia nga. Te u la ieng bad u la bud ia u. ¹⁵ Ka la jia ruh, haba u la shongbam ha iing jong u, ba shibun ki nongkhrong bad kiba pop ki la shong lem bad U Jisu bad ki synran jong u; naba ki la long shibun bad ki la iabud ia u. ¹⁶ Te haba ki nongthoh bad ki Pharisi ki la iohi ia u ba u iabam lem bad kita ki nongkhrong bad kiba pop, ki la ong ha ki synran jong u, U iabam u iadih ruh pleng bad ki nongkhrong bad kiba pop ruh. ¹⁷ Te haba U Jisu u la iohsngew, u la ong ha ki, Kiba khiah kim donkam ia u nongpynkhiah, hynrei kiba pang kein: ngam shym la wan ban khot ia kiba hok, hynrei ia kiba pop ia kaban kylla kaba mut.

Ka jingkylli shaphang haba shah jingit

¹⁸ Te ki synran U Ioannis bad ki jong ki Pharisi ki iashah jingit: ki la wan te, bad ki la ongha u, Balei ba ki synran U Ioannis bad ki jong ki Pharisi ki shah jingit, hynrei ki synran jong me

kim iashah jingit? ¹⁹ U Jisu te u la ong ha ki, Ki nongon kurim ki lah ban shah jingit, haba u nongleit kurim u dang sah lem bad ki? katba ki dang don uta u nongleit kurim lem bad ki, kim lah ban shah jingit: ²⁰ hynrei ki sngi kin poi, haba la shim noh ia u nongleit kurim na ki, ynda kumta te ha kita ki sngi kein kin sa iashah jingit. ²¹ Ym ju don ruh uba suh syrdep ia ka jainkup barim da ka jain thymmai: lada kumta kata ka jainsyrdep bathymmai jong ka kan pynkad ia kaba rim, bad ka pynlong ka jingkad kaba kham khraw. ²² Ym ju don ruh uba buh ia ka wain thymmai ha ka lywa snieh barim: lada kumta kata ka wain bathymmai kan pynpdang ia ki lywa snieh, bad kata ka wain ka jaw noh bad kita ki lywa snieh ki jot noh: hynrei ia ka wain thymmai ju buh ha ki lywa snieh thymmai.

Ka jingkylli shaphang ka Sabatton

²³ Te ka la jia ba u la iaid lyngba ia ki lyngkha kew ha ka sngi sabbaton; bad ki synran jong u, katba ki iaid, ki la adang kheit soh kew. ²⁴ Ki Pharisi te ki la ong ha u, Ha khmih, balei ba ki lehia kabym dei ha ka sngi sabbaton? ²⁵ U te u la ong ha ki, Mynno mynno ruh phim pat ju pule ia kaei ba U Dabid u la leh, mynba u la shipa, bad ba u la tlangan, ma u, bad kita kiba bad u ruh? ²⁶ kumno ba u la leit hapoh ka iing U Blei ha ki sngi U Abiathar u rangbah lyngdoh, bad ha u la bam ia ki pu pyni, ia ki bymbit ban bam hynrei tang ia ki lyngdoh hi,

bad ba u la ai ruh de ha kita kiba don lem bad u ? ²⁷ Te u la ong ruh ha ki, La thaw ia ka sabbaton na ka bynta u briew, ym ia u briew na ka bynta ka sabbaton: ²⁸ ba kumta te U Khun u briew u long U Trai ka sabbaton ruh.

U briew uba don ka kti kaba iap

3 Te u la leit pat hapoh ka synagog; bad la don hangta u briew uba la iap ka kti. ² Te ki la ia ap thaḗp ia u, lada un pyngkhiah ia u ha ka srgi sabbaton; ba kin ioh kem daw ia u. ³ U ong te ha uta u briew uba la iap ka kti, To ieng ha pdeng. ⁴ Te u ong ha ki, Ka bit ia ka ban leh bha ha ka sngi sabbaton, lane ban leh sniew ? ia kaban pynim ia ka jingim, lane ban pyniap ? Hynrei ki la sngap jar. ⁵ Te ynda u la khmih sawdong ha ki da ka jingbitar, ba u da sngewsih namar kaba eh ka dohnud jong ki, u ong ha uta u briew, To kner noh ia la ka kti. Te u la kner noh, bad la pyngkhiah bha ia kata ka kti jong u. ⁶ Haba ki Pharisi te ki la leit noh, kumne kumne ruh ki la iasylla bad ki nongbud U Herod pyrshah ia u, kumno ba kin ioh pyniap noh ia u.

U paidbah byllien harud duriaw

⁷ Hynrei U Jisu u la kynriah noh lem bad la ki synran sha ka duriaw, te ki paidbah byllien ki la iabud ia u na Galilaia, bad na Judia, ⁸ bad na Jerusalem, bad na Idumaia, bad na sha shiliang ka Jordan ruh; bad kiba na shaphang Tyros bad Sidon, u paidbah byllien kiba haba ki la iohsngew

ia kaba katno u la leh, ki la lawan ha u. ⁹ U la ong te ha ki synran jong u, ba ka lieng rit kan ap hajan jong u, namar uta u paidbah, ioh ba kin kyntur ia u. ¹⁰ Namar u la lah pyngkhiah shibun, katba kita baroh kiba la ngat ki jingpang kordit ki la wan kyrthep ha u ba kin ioh ktah ia u. ¹¹ Ki mynsiem bymkhuid ruh, haba ki la iohi ia u, ki la dem khrup ha khmat jong u, bad ki la iapyrta, ki da ong, Me long U Khun U Blei ¹² U te u la hukum skhem ia ki ba kin ym pynbna ia u.

U Jisu U jied ia ki khadar ngut ki apostol

¹³ Ynda kumta u kiew sha u lum, bad u khot ha u ia kiba u mon hi, te ki la wan ha u. ¹⁴ Bad u la thung ia ki khadar ngut, ba kin ioh long lem bad u, bad ba un ioh phah ia ki ban ialap, ¹⁵ bad ba kin iohbor ban pyngkhiah ia ki jingpang bad ban beh noh ia ki ksuid. ¹⁶ bad ia U Simon u la sin Petros; ¹⁷ bad U Jakob u khun U Sebedi, bad U Ioannis u para U Jakob; (te ia kita u la sin Boanerjes, kata ka long, Ki khun u pyrthat); ¹⁸ bad U Andriw, bad U Philip, bad U Bartholomai, bad U Mathaios, bad U Thomas, bad U Jakob u khun. U Alphaios, bad U Thaddaios, bad U Simon U Bashitrem, ¹⁹ bad U Judas Iskariot, uba la die noh ruh ia u.

U Jisu bad U Belsabul

²⁰ Te ki la wan shaling. U paidbah te u la wan lang pat, katba kim ioh shuh wat ia kaban banu jingbam. ²¹ Te

habe ki kur jong u ki la bna, ki la leit noh ban bat ia u, naba ki la ong, Um tip brierw shuh: ²² Bad ki nongthoh kiba la wan hiar na Jerusalem ki la ong, U don u Belaeubul, bad da u rangbah ki ksuid u beh noh ia ki ksuid. ²³ Te haba u la khot ia ki ha u, u la kren ia ki ha ki pharshi, Kumno u Soitan u lah ban shop noh ia u Soitan? ²⁴ bad lada ka hima ka la ialeh makynti paralok, kata ka hima kam lah neh shuh; ²⁵ bad lada ka iing de ka la ialeh makynti paralok, kata ka iing kam lah neh shuh: ²⁶ bad lada U Soitan de u ieng ban ialeh hi ia lade, bad u la iapa it, um lah neh shuh, hynrei don kein kaba kut ia u: ²⁷ ym don uno uno ruh uba leit hapoh ka iing uba khlain, uba lah ban kurup ia kiei kiei ruh ki jong u, lynda u khum shuwa ia uta uba khlain; ynda kumta te un sa kurup ia ka iing jong u: ²⁸ shieha nga ong ha phi, ba yn map ia ki khun bynriew ia ki pop baroh, bad ia ki jingrenbein katba kin kren bein blei, ²⁹ hynrei uno uno ruh uban kren bein ia U Mynsiem Bakhuid, ha la ka rta un ym ioh ka jingmap, hynrei uban rem na ka pop bymjukut. ³⁰ Naba ki la ong, U don mynsiem bymkhuid.

Ka kmie bad ki hynmen para u Jisu

³¹ Haba kumta te ki hynmen hynbew jong u bad ka kmie jong u ruh ki la wan; bad haba ki la ieng shabar, ki la phah ha u, ba ki da khot noh ia u. ³² Te u paidbah u la shong tawiar ia u, bad ki la ong ha u, Ha khmih ka kmie iong me bad ki hynmen hynbew jong

me habar ki iawad ia me. ³³ U la iathuh te ha ki, u da ong, Kano ka kmie jong nga, lane ki hynmen hynbew jong nga? ³⁴ Te haba u la khmih sawdong ia kiba shong tawiar ia u, u ong, Ha khmih ka kmie jong nga, bad ki hynmen hynbew jong nga! ³⁵ naba uno uno ruh uban leh ia ka mon U Blei, uta kein u long u para jong nga bad ka para jong nga, bad ka kmie de.

Ka pharshi ia U Nongbet

⁴ U la edang ruh ban hikai pat harud ka duriaw: te u paidbah byllien u la wan lang ha u, katba u la kiew ha ka lieng ban ioh shong halor ka duriaw; uta u paidbah baroh te u la don harud kata ka duriaw ha ryngkew. ² Te u la hikai ia ki bun kiei kiei ruh ha ki pharshi, bad u la ong ha ki ha ka jinghikai jong u. ³ To angew: Ha khmih, u nongbet u la leit noh ban bet: ⁴ te ka la jia haba u dang bet, ba don uba la hap harud lynti, bad ki sim bneng ki la wan bad ki la bam ia u: ⁵ te uwei pat u la hap halor ka jaka maw, ha kabym don bun khyndew; te kumne kumne ruh u la mih, naba kam long jylliew ka khyndew: ⁶ haba ka la ieng ka ngi te, u la shit tyrkhong eh; bad naba um don thied, u la iap ryngkhiang: ⁷ uwei pat te u la hap hapdeng ki dieng shiah; te kita ki dieng shiah ki la iamih, bad ki la iakjap ia u; te um shym la sei soh: ⁸ uwei pat te u la hap ha ka khyndew kaba bha, bad u la sei soh bamih bad baman bun de; te u la sei uba laiphew shah, bad uba hynriewphew shah, bad

uba shispah shah. ⁹ Te u la ong ha ki, Uba don ki shkor ban engew, to un engew.

Ka jingthnu jong ki pharshi

¹⁰ Haba u la long te kyrpang weibriew, kita kiba hajan jong u lem bad kita ki khadar ngut, ki la kylli ia u shaphang kata ka pharshi. ¹¹ U la ong te ha ki, Ha phi kein la ai ban tip ia ka maian ka hima U Blei; hynrei ha kita kiba shabar; ia kiei kiei baroh yn leh kein ha ki pharshi: ¹² ba ia kaba ki iohi kin iohi, te kin ym ishemphang shuh; bad ia kaba ki iohsangew kin iohsangew, te kin ym sngewthuh shuh; ba ioh kumta kin kylla, bad yn map ia ki.

U Jisu u batai ia ka pharshi U Nongbet

¹³ U la ong ruh ha ki, Phim tip ia kane ka pharshi? kumno te phin tip ia ki pharshi: baroh? ¹⁴ Uta u nongbet u bet ia ka ktien: ¹⁵ kine te long kita kiba harud lynti, ha kaba la bet ia ka ktien; hynrei haba ki la iohsangew, kumne kumne ruh u Soitan u wan, bad u rong noh ia kata ka ktien ba la bet ha ki dohnud jong ki: ¹⁶ kumjuh ruh kine ki long kita kiba la bet halor ka jaka maw, kiba, haba ki la iohsangew ia kata ka ktien, kumne kumne ruh ki pdiang ia ka da kaba kmen; ¹⁷ hynrei ba kim don thied ha lade, ki long tang shibit; hadien te, haba ka jia kaba jynjar ne kaba leh bein na ka bynta kata ka ktien, kumne kumne ruh ki la thu; ¹⁸ kine ruh ki long kita kiba la bet

hapdeng ki dieng shiah; kiba ju sngew ia ka ktien, ¹⁹ te ki jingthnu lai kane ka pyrthei, bad ka jingthnu kor ka apah, bad ki jingikwah eh shaphang kiwei kiwei de, haba ki ialeit hapoh, ki iakjap ia kata ka ktien, te kam sei soh shuh. ²⁰ Kine te ki long kita kiba ia bet haka khyndew kaba bha; kiba iohsangew ia kata ka ktien, bad kiba pdiang ia ka, bad kiba sei soh, uba laiphew shah, bad uba hynriewphev: shah, bad uba shispah shah de.

Ka sharak hapoh u khiew

²¹ U la ong ruh ha ki, Ki ju wallam ia ka sharak, ba yn buh hapoh ka shang, lane hapoh ka jingthiah? bad ban ym buh ha ka dieng pynieng sharak? ²² naba ym don kaei kaei ruh ba la tap, ia kaba yn ym pynpaw; lymne ym ju don kaei kaei ruh ba la buhrieh, hynrei khnang ba kan wan paw: ²³ lada uno uno ruh u dor; ki shkor ban sngew, to un sngew. ²⁴ U la ong ruh ha ki, To sumar kumno ba phi sngew: da ka jingthew ba phi thew, yn thew ia phi; ha phi kiba sngew, yn ai kham bun ruh: ²⁵ naba jar uba don, ha uta yn ai: bad jar ubym don, wat ia kata kaba u don yn shim noh na u.

Ka pharshi u symbai tyrso

²⁶ U la ong ruh, Kumta long ka hima U Blei, kumba u briew un bet ia u symbai ha ka khyndew, ²⁷ bad ba un ioththiah, bad ba un khi; ruh mynmiet bad mynsngi, bad uta u symbai un mih, bad un nangsang, kumno,

um tip shuh: ³⁸ naba ka khyndew na lade hi ka sei soh; kaba nyngkong u speh, hadien ka kop, hadien kata pat u soh kew ba la met ha ka kop: ³⁹ hynrei haba la ih uta u soh, kumne kumne ruh u sei ia ka rashi, naba ka aiom ot ka la poi.

*Ka pharshi u symbai uba
mihsan*

³⁰ U la ong ruh, Kun kaei ngin iatharai ia ka hima U Blei? ne da kano ka pharshi ngin iatharai ia ka? ³¹ *ka long* kum u symbai tyroso, ia uba, haba la bet ha ka khyndew, la u long kham rit ia ki symbai baroh kiba don ha ka khyndew; ³² hynrei haba la bet, u mih san, bad u long kham khraw ia ki jhur baroh, bad u sei ia ki tnat bakhraw, katba ki sim bneng ki lah ban shong tngen hapoh ka syrngiew jong u. ³³ Da ki bun ki pharshi ruh kum kine u la kren ia ka ktien ha ki, katba ki lah ban sngew shemphang ia ka. ³⁴ Bad khlem ka pharshi um shym la kren ha ki: te haba kyrpang hi u la ju pynpaw ia kiei kiei baroh ha ki synran jong u.

U Jisu u pynjai-jai ia ka eriong

³⁵ U la ong ruh ha ki ha kata ka sngi, haba la janmiet, la ngin ialeit sha shiliang. ³⁶ Haba ki la iehnoh te ia u paidbah, ki la leit lam ia u, kumba u long, ha ka lieng; hynrei don kiwei pat ruh ki lieng lem bad u. ³⁷ Te la khieh ka eriong kaba khraw, bad ki jingat phyllung ki la phaloh sha ka lieng, kat ban sa pyndap ia ka. ³⁸ U te u la don ha ka tdong ka lieng, ba u

iohthiah ha ka syngkhlieh; ki te ki kysiew ia u, bad ki ong ha u, Ko Kynrad, mem suid niew satia ba ngin sa iap? ³⁹ Haba u la khie te, u la aneng ia ka lyer, bad u la ong ha ka duriaw, Long jai jai, wat khieh shuh. Kumta kata ka lyer ka la jem jai, bad ka la long kaba jai jai eh. ⁴⁰ U la ong te ha ki, Balei phi long kiba sheptieng katta katta? kumno ba phim pat don ka jingngeit? ⁴¹ Hynrei ki la sheptieng shikaddei eh, bad ki la iakren paralok hi, Une u long uei shisha, ba ka lyer ruh bad ka duriaw de ki ia kohnguh ia u?

U Jisu U pynkhiah ia uba shongsuaid

5 Ki la poi ruh sha shiliang ka duriaw sha ka ri ki nong Gadara. ² Haba u la mih noh te na kata ka lieng, kumne kumne ruh la wan tan ia u na ki maw jingtep u briew ba shong mynsiem bymkhuid, ³ uba ju don ka jaka shong sah hapdeng kita ki maw jingtep; te ym don mano mano ruh ba lah ban khum ia u, em, wat da ki kynjri; ⁴ naba la ju khum jyndeia ia u da ki nar kjat, bad da ki kynjri; hynrei ia ki kynjri u la ju bthat bad ia ki nar kjat u la pynbthat lyngkhot lyngkhot: bad ym ju don mano mano ruh ba lah ban pynjuh ia u. ⁵ Te khlem da pud mynmiet bad mynsngi, u ju don ha kita ki maw jingtep bad ha ki lum ruh, u da lynfiar, bad u da ot ia lade da ki maw. ⁶ Haba u la iohi te ia U Jisu na jngai, u la phet bad u la mane dem ia u, ⁷ bad u la lynfiar da ka ktien bajam bad u la ong, Me donkam aiu bad

nga, ko Jisu, U Khun U Blei U Bahakhlieh tam eh? Nga pynsmai ia me da U Blei, ba men ym pynshitom ia nga. ⁸ (Naba u la lah ong ha u, Me mynsiem bymkhuid, to mih noh na une u briew.) ⁹ Te u la kylli iā u, Kaei ka kyrteng jong me? U te u la iathuh, u da ong, Ka kyrteng jong nga long U Paidbah: naba ngi long shibun. ¹⁰ U la kypad ruh ia u shikaddei, ba un ym phah noh ia ki na kata ka ri. ¹¹ Te la don hangta ha syndah u lum shi kynhun bah ki sniang kiba bam phlang. ¹² Kita ki ksuid baroh te ki la iakypad ia u, ki da ong, To phah ia ngi ha kito ki sniang, ba ngin rung hapoh jong ki. ¹³ Bad U Jisu u la shah ia ki. Haba la mih noh te kita ki mynsiem bymkhuid, ki la leit hapoh kita ki sniang: baroh shi kynhun te ki la phet iap arsut ia ka iat sha ka duriaw (ki la don ruh kumba ar hajar), bad ki la iap jyllop ha kata ka duriaw. ¹⁴ Kita kiba ia ap ia ki sniang te ki la phet noh, bad ki la iathuh ha kata ka shnong, bad ha kita ki ri bri: ki te ki la iamih ban khmih kaei kata ba la leh. ¹⁵ Bad ki wan ha U Jisu, bad ki iohi ia uta uba ju shong ksuid ba u shong, bad ba u la kup jain, bad ba u la tip briew, ia uta kein uba la ju don u Paidbah: bad ki la sheptieng. ¹⁶ Kita kiba la lah iohi te ki la iathuh ha ki kumno ka la long ia uta uba ju shong ksuid, bad shaphang kita ki sniang ruh. ¹⁷ Bad ki la sdang ban iakypad ia u ban leit na ki phang jong ki. ¹⁸ Haba u dang leit te ha kata ka lieng, uta uba la ju shong ksuid u la duwai ia u ba un ioh long

lem bad u. ¹⁹ Te um shah ia u, hynrei u ong ha u, Khie leit sha la iing sha la ki jong ruh, bad to iathuh ha ki ia kaba katno ba u Trai u la leh ia me, bad kumno u la isynei ia me. ²⁰ Kumta u la leit noh, bad u la sdang ban pynbna ha Dekapolis ia kiba katno kiei kiei ruh ba U Jisu u la leh ha u; te baroh ki la kyndit.

Ka jingpynim pat ia ka khun u Jairos bad ka jingpynkhiah ia ka briew kaba pang mihsnam

²¹ Haba U Jisu te u la leit pat da ka lieng sha shiliang, u paidbah byllien u la ialum lang ha u: u te u don harud ka duriaw. ²² Te uwei na ki rangbah synagog u wan, uba kyrteng U Jairos; bad haba u iohi ia u, u la dem ha ki kjat jong u; ²³ bad u la duwai shikaddei ia u, u da ong, Ka khun rit jong nga ka ha tmier ka jingiap: to wan buh ia la ki kti ha ka, ban ioh pynkhiah ia ka, ba kan im. ²⁴ Kumta u la leit lem bad u: te la bud ia u u paidbah byllien, bad ki la iakyntur ia u.

²⁵ Ka kynthei ruh kawei kaba don ka jingpang mihsnam la khadar snem, ²⁶ bad kaba la lah shah shitom bun kiei kiei ruh na ki bun ki nongpynkhiah, bad kaba la lah pynlut baroh katba don ki jong ka, te khyndiat ruh em kam shym koit, hynrei ka la nang pang pynban; ²⁷ haba ka la iohsngew shaphang U Jisu, ka la wan hapdeng uta u paidbah na shadien, bad ka la ktah ia ka jainkup jong u. ²⁸ Naba ka la ong, Lada ngan shu ioh ktah tang ia ki jainkup jong u, ngan ka khiah. ²⁹ Te kumne kumne ruh kata ka jingkyrsoi

ka snam jong ka la rngad noh; bad ka la sngewthuh ha la ka met ba la ioh khiah na kata ka jingpang shitom. ³⁰ U Jisu kumne kumne ruh, ba u tip ha lade ba kata ka bor ka la lah mih noh na u, haba u la phai hapdeng uta u paidbah, u la ong. Ei ba ktah ia ki jain jong nga? ³¹ K' synran jong u te ki la ong ha u, Me iohi ia u paidbah uba kyntur ia me, me ong ruh, Ktah mano ia nga? ³² Te u la khmih baroh sawdong ban iohi ia kata kaba la lah leh ia kane. ³³ Hynrei kata ka briew, da kaba sheptieng bad bakhynhiuh, ba ka da sngewthuh ia kaei ba la leh ha ka, ka la wan bad ka la dem ngon ha khmat jong u, bad ka la iathuh ha u ia kaba shisha baroh. ³⁴ U la ong te ha ka, Ko Khun, ka jingngeit jong pha ka la pynkhiah ia pha; to khie leit ha kaba suk, bad to long kaba la khiah bha na ka jingpang shitom jong pha.

³⁵ Haba u dang kren, la wan kiba na ka iing uta u rangbah synagog, ki da ong, Ka khun jong me ka la iap: balei men pynshitom shuh ia U Nonghikai? ³⁶ Te haba U Jisu u la iohsngew ia kata ka ktien ba la kren, u ong ha u rangbah synagog, Wat sheptieng, tang shu ngeit. ³⁷ Um shah te iano iano ruh ban hud lem ia u, hynrei tang ia U Petros, bad ia U Jakob, bad ia U Ioannis u para U Jakob. ³⁸ Kumta u poi sha ka iing uta u rangbah synagog, bad u iohi ia ka jingkhuhwin, bad ia kiba iam briew bad ia kiba lynniar shikaddei eh. ³⁹ Haba u la leit hapoh te, u ong ha ki,

Balei phi iawin, bad phi ialam briew kumne? ka khynnah kam shym la iap, hynrei ka shu thiah. ⁴⁰ Ki te ki la rkhe bein ia u. Hynrei haba u la pynmih noh ia ki baroh, u shim lem ia u kpa bad ia ka kmie jong kata ka khynnah, bad ia kita kiba don lem bad u, bad u la leit hapoh, shu kaba don kata ka khynnah, ⁴¹ Te haba u la bat na ka kti ia kata ka khynnah, u ong ha ka, Talitha kumi; kaba, haba la batai, ka long, Ko khynnah, nga ong ha pha, To ieng. ⁴² Kumne kumne ruh kata ka khynnah ka la ieng joit, bad ka la iaid (naba ka la khadar snem *ka rta*) te ki la kyndit da ka jingkyndit bakhraw. ⁴³ Te u la hukum skhem ia ki, ba uno uno ruh un ym tip ia kane; u la hukum ruh ban ai ei ei ia ka ban bam.

U Jisu ha Nasaret

6 U la leit noh nangta bad u la wan poi sha la ka ri; bad ki synran jong u ki bud ia u. ² Te haba la poi ka sabbaton, u la sdang ban hikai ha ka synagog: te bun haba ki iohsngew ki la sngewkyndit, ki da ong, Nangno une u la ioh ia kine kiei kiei ruh? bad, Kaba kumno *kane* ka jingstad kaba la ai ha une u briew, bad ki kambah kat kine ba la leh da ki kti jong u? ³ une um long uto u misteri, u khun Ka Mari, uba dei para bad U Jakob, bad U Josis, bad U Juda, bad U Simon de? bad ki para kynthei jong u kim don hangne bad ngi? Kumta ki la thut ha u. ⁴ Hynrei U Jisu u la ong ha ki, U nongiathuhlypa um long u bym don

burom, hynrei tang ha la ka ri, bad ha la ki kur, bad ha la ling ruh. ⁵ Hangta te um lah ban leh ia ki kambah, hynrei u shu buh ia la ki kti ha khyndiat kiba pang, bad u la pyinkhiah ia ki. ⁶ U la sngewkyndit te namar ka jingbymngeit jong ki. Bad u la iaiaid kylleng sawdong ia ki nongrit, u da hikai.

U Jisu U ai bor ia ki khadar ngut ki synran ban leit talap

⁷ U la khot ruh ha u ia ki khadar ngut, bad u la sdang ban phah ia ki ar ar; bad u la ai bor ha ki halor ki mynsiem bymkhuid; ⁸ bad u la hukum ia ki ba kin ym rah ei ei ruh ia la ka jingleit, hynrei tang ia u diengduh hi; lymne ki iarong, lymne kpu, lymne pisa ha ka saipan jong ki, ⁹ hynrei ban iuh ia ki khulom, bad ban ym phong artylli ki sopri. ¹⁰ U la ong ruh ha ki, Haei haei ruh haba phin rung hapoh ka ling, to shong hangta tadynda phi nih noh nangta; ¹¹ te kano kano ruh ka jaka kaban ym pdiang ia phi, bad kim sngew ia phi, haba phi mih noh nangta, to kynthar noh ia ka dewmet na ki pohjat jong phi, ia kaban long ka jingphla ia ki. Shisha nga ong ha phi, ba kan long kham jem ia ka Sodom bad ia ka Gomorra ha ka sngi bishar, ban ia kaba ia kata ka shnong. ¹² Te haba ki la leit noh, ki la ialap ba kin kylla kaba mut. ¹³ Ki la beh noh ruh shibun ki ksuid, bad ki la pynaleh da ka umphniang shibun kiba pang, bad ki la pyinkhiah ia ki.

Ka jingiap u Ioannis u Nongpynbaptis

¹⁴ U Herod syiem te u la iohsngew shaphang jong u, naba la bna ka nam

jong u, bad u la ong, U Ioannis uba ju pynbaptis, u la mihpat na kiba iap, te namar kata kein kine ki bor bah ki iatrei ha u. ¹⁵ Kiwei te ki la ong, U long U Elias, kiwei pat te ki la ong, U long u nongiathuhlypa, ne kum uwei na ki nongiathuhlypa. ¹⁶ Hynrei haba U Herod u la iohsngew, u la ong, U Ioannis, ia uba nga la khrai khlieh, u la mihpat.

¹⁷ Naba U Herod hi u la lah phah kem ia U Ioannis, bad u la lah khum ia u ha ka byndi na ka bynta Ka Herodias, ka tnga U Philip u para jong u; naba u la shongkurim ia ka. ¹⁸ Naba U Ioannis u la ong ha U Herod, Bym bit ia me ban ioh ia ka tnga u para jong me. ¹⁹ Namar kata, Ka Herodias ka la buhnud ia u, bad ka la kwah ban pyniap ia u, hynrei kam lah. ²⁰ Naba U Herod u la ju sheptieng ia u Ioannis, ba u da tip ba u long u briew bahok bad bakhuid, u la ju da te ia u; bad haba u la iohsngew ia u, u la ju leh shibun kiei kiei ruh, bad u la ju shahshkor sngewbha ia u. ²¹ Hynrei haba la por ka sngi bade', mynba U Herod ha ka sngi kha jong u u la thaw ka jingkhawai ia ki rangbah jong u, bad ia ki rangbah shihajar, ia kiba kham donnam ha Galilaia; ²² bad haba ka khun kata Ka Herodias ka la wan hapoh, ka la shad, bad ka la pynsngewbha ruh ia U Herod, bad ia kita kiba ia shong bam lem bad u; bad uta u syiem u la ong ha kata ka khynnah, Pan na nga kat kaba pha mon, te ngan ai ia pha. ²³ U la smai ruh ha ka, Kaei kaei ruh ba phan pan na nga, ngan ai ia pha, haduh shiteng ka hima

jong nga. ²⁴ Te haba ka la mih noh, ka la ong ha ka kinie jong ka, Kaei ngan pan? Ka te ka la ong, Ka khlieh U Ioannis u Nongpynbaptis. ²⁵ Te kloï lan ka la wan hapoh sha uta u syiem, bad ka la pan, ka da ong, Nga mon ba men ai ha nga kumne kumne ia ka khlieh U Ioannis u Nongpynbaptis ha ka pliang. ²⁶ Uta u syiem te u la sngewsih eh, hynrei na ka bynta kita ki jingsmai, bad na ka bynta kita kiba iashong bam lem bad u, um mon ban kyrngah ia ka. ²⁷ Te kumne kumne ruh uta u syiem u la phah ia u nongkhrai khlieh, bad u la hukum ban wallam ia ka khlieh jong u. ²⁸ Te haba u la leit u la khrai khlieh ia u ha ka byndi, bad u la wallam ia ka khlieh jong u ha ka pliang, bad u la ai u ka ha kata ka khynnah; bad kata ka khynnah ka la ai ia ka ha ka kmie jong ka. ²⁹ Te haba ki synran jong u ki la iohsngew, ki la wan bad ki la rah noh ia ka met jang u, bad ki la tep ia ka ha ka jingtep.

U Jisu U khawai ia ki san hajar

³⁰ Te ki apostol ki la ialum lang ha U Jisu, bad ki la iathuh ia kiei kiei baroh ha u, kat kiba ki la lah leh, bad kat kiba ki la lah hikai. ³¹ U la ong te ha ki, To ale ma phi hi kyrpang sha ri khlaw, bad shongthait khyndiat: naba don shibun kiba iawan ialeit ruh, katba kim kloï shuh wat ban bam ruh. ³² Kumta ki la leit noh da ka lieng sha ka jaka kynjah kyrpang hi. ³³ Hynrei ki paidbah ki la iohi ia ki ba ki dang leit, shibun ruh ki la ithuh ia ki; te

ki la phet lang hangta *na sha syngheu* na ki shnong baroh, bad ki la shuwa ia ki, bad ki la iawan lang sha u.

³⁴ Haba U Jisu te u la mih noh, u la iohi ia u paidbah babun, bad u la sngewsynei ia ki, naba ki long kum ki langbrot khlem u nongsharai; te u la sdang ban hikai bun kiei kiei ruh ia ki. ³⁵ Haba ka la noh eh ian ka sngi, te ki synran jong u ki la wan ha u, bad ki ong, Kane ka long ka jaka kynjah, bad ka sngi ka la noh eh ian ruh; ³⁶ to pyllait noh ia ki, ba kin ioh leit kylleng sawdong sha ki ri bri bad sha ki shnong rit ban thied jingbam ia lade, naba kim don ei ei ruh ban bam. ³⁷ U te u la iathuh bad u la ong ha ki, To ai ma phi ba kin bam. Ki te ki ong ha u, Hato ngin leit iathied arspah suka u kpu, bad ai ruh ha ki ban bam? ³⁸ U ong te ha ki, Katno tylli ki kpu phi don? khie leit khmuh. Haba ki la tip, ki ong, San, bad ar tylli ki dohkha. ³⁹ U la hukum te ia ki ba baroh kin shong shaniah lynnong lynnong halor u phlang bajyrngam. ⁴⁰ Te ki la shong shaniah ter ter, shispah shispah, bad sanpnew sanpnew ruh. ⁴¹ Haba u la shim te ia kita san tylli ki kpu bad ia kita ar tylli ki dohkha ruh, haba u la khmied sha bneng, u la ngu, bad u la kdiah ruh ia ki kpu, bad u la ai ha ki synran jong u, ba kin buh ha khmat jong ki; bad ia kita ki dohkha u la iasam ha ki baroh. ⁴² Baroh ki la iabam, bad ki la iakdang ruh. ⁴³ Bad ki la iakhar ruh dap khadar tukri, na kiba lwet bad na ki dohkha ruh. ⁴⁴ Kita te kiba la

iabam ia kita ki kpu, ki long jin san hajar ki rangbah.

U Jisu U iaiaid halor ka duriaw

⁴⁶ Te kumne kumne ruh u la phah ia ki synran jong u ba kin kiew halor ka lieng, bad ban nang leit shuwa sha shiliang sha Bethsaida, katba u hi u nang pyllait ia u paidbah. ⁴⁸ Ynda u la bidai noh te ia ki, u la leit sha u lum ban duwai. ⁴⁷ Haba la janmiet, kata ka lieng ka la don hapdeng ka duriaw, u te tang weibriew hi ha ryngkew. ⁴⁸ U la iohi te ia ki ba ki shitom da kaba ki iaking, naba ka lyer ka la beh pyrshah ia ki: te hamar ka jingap miet kaba saw u wan ha ki, u da iaiaid halor duriaw; bad u la leh kum ban sa iaiaid kiari ia ki. ⁴⁹ Hynrei ki, haba ki la iohi ia u ba u iaiaid halor duriaw, ki la iamut ba ka la long rngai, bad ki la ia lynñiar jam ruh, ⁵⁰ naba baroh ki la iohi ia u, bad ki la iasngew kiuh eh. Hynrei kumne kumne ruh u Ja kren ha ki, bad u ong ha ki, To long shlur, dei ma nga, to wat sheptieng. ⁵¹ Bad u la kiew sha ki halor kata ka lieng; te kata ka lyer ka la jem jai: hangta ki la sngewkyndit noh shikaddei eh ha lade, bad ki la sngewphylla. ⁵² Naba kim shym sngewthuh shaphang kita ki kpu; hynrei ka dohnud jong ki ka la long kaba eh.

U Jisu U pynkhiiah ia kiba pang ha Gennesaret

⁵³ Haba ki la poi te sha shiliang, ki la wan ha ka ri Gennesaret, te hangta ki la kiew sha ryngkew. ⁵⁴ Haba ki

la mih noh te na kata ka lieng, ki la ithuh ia u kumne kumne ruh, ⁵⁵ bad haba ki la iaphet kylleng sawdong kata ka ri baroh, ki la sdang ban iabah na kylleng ha ki jingthiah ia kiba la pang, kat shaba ki la sngew ba u don. ⁵⁶ Shano shano ba u leit bsut ruh sha ki nongrit, lane sha ki nongbah, lane sha ki ri bri, ki la buh ia kiba pang ha ki jaka iew, bad ki la kyrpad la u, ba kin shu ioh ktah ia ka rmiang ka jain jong u: te kat kiba la ioh ktah ia u, la pynkhiiah ia ki phar.

Ka rukom pateng la pateng

⁷ Ynda kumta ki Pharisi ki la iawan lang ha u bad kiba na ki nongthoh, kiba la wan na Jerusalem. ² Haba ki la iohi te ia kiba na ki synran jong u, ba ki bamja da ki kti bymkhuid (kata, khlem da thet satia), ki la pynrem ³ (Naba ki Pharisi bad ki Jiwi baroh, lynda ki ioh thet bha ia la ki kti, kim bam satia, ki da bat skhem ia ka rukom pateng la pateng ki tymmen basan. ⁴ Haba ki wan ruh na iew, lynda ki ioh sum, kim bam satia. Bad bun kiwei pat ruh don, ia kiba ki la diang ban bat skhem, kum ka jingsait ki khuri, bad ki luta, bad ki pliang, bad ki palong ruh). ⁵ Namar kata, kita ki Pharisi bad kita ki nongthoh ki la kylli ia u, Balei ba ki synran jong me kim iaiaid kat kum ka rukom pateng la pateng ki tymmen basan, hynrei ki bamja da ki kti ki bakhlem thet? ⁶ U la iathuh te ha ki, Ka dei kaba U Isaiiah u la iathuhlypa shaphang jong phi kiba arasp, kumba la thoh: Kine

ki briew ki burom ia nga da la ki rmiang shyntur, hynrei ka dohnud jong ki te ka jngai na nga: ⁷ hynrei ki mane thala ia nga, haba ki hikai kum ki jinghikai ia ki hukum jong ki briew: ⁸ naba haba phi iehnoh ia ka hukum U Blei, phi bat skhem ia ka rukom pateng la pateng ki briew, kum ki ki jingsait ki luta bad ki khuri: bad ia bun kiei kiei ruh kiwei pat kum kine phi leh. ⁹ U la ong ruh ha ki, Phi kyntait la biang kein ia ka hukum U Blei, ba phin ioh sumar ia ka rukom pateng la pateng jong phi; ¹⁰ naba U Moses u la ong, Burom ia la u kpa bad ia la ka kmie; bad, Jar uba kren bein ia u kpa lane ia ka kmie, un iap da shisha: ¹¹ hynrei phi ong, Lada u briew un ong ia la u kpa lane ia la ka kmie, Kaei kaei ruh ia kaba men myntoi na nga ka long Korban (kata long, ka jingainguh), *un lait*; ¹² phim shah shuh te ia u ban leh ei ei ruh em ia u kpa jong u, lanc ia ka kmie jong u; ¹³ phi da pynduh ia ka ktien U Blei da ka rukom pateng la pateng jong phi, ia kaba phi hikai: bad shibun kiei kiei ruh kum kine phi leh.

Kaei kaba pyntngit ia u briew

¹⁴ Te haba u la khot ha u ia uta u paidbah baroh, u ia ong ruh ha ki, To sngap ia nga phi baroh, to sngewthuh ruh: ¹⁵ ym don ei ei ruh shabar u briew, kaba leit shapoh jong u, ba lah ban pyntngit ia u: hynrei kiei kiei ruh kiba mih noh na u briew, kita kein ki long kiba pyntngit ia u briew: ¹⁶ lada uno uno ruh u don ki shkor ban sngew, to un sngew. ¹⁷ Te haba u la leit hapoh iing na uta u paidbah, ~~ka~~ syntan

jong u ki la kylli ia u shaphang kata ka pharshi. ¹⁸ U ong te ha ki, Phi ruh phi long kumta ki bym sngewthuh? phim shemphang, ba baroh kaba shabar kaba leit shapoh u briew, kam lah ban pyntngit ia u? ¹⁹ naba kam leit shapoh ka dohnud jong u, hynrei sha ka kpoh, ba ka mih noh ha ka shatud: ba ki khuid ki jingbam baroh kein. ²⁰ U la ong ruh, Kata kaba mih noh na u briew, kata kein ka pyntngit ia u briew: ²¹ naba na shapoh, na ka dohnud ki briew, ki mih noh ki jingmut bymman, kiba klim, kiba iakai kynthei, kiba pyniap ²² kiba tuh, kiba kurup, kiba pynsniew, kaba arsap, kaba nuti, kaba khwan lalot, kaba khmih sniew, kaba kren bein, kaba sngewkhrav, bad kaba leh bieit; ²³ kine kiei kiei baroh ki bymman ki mih noh na shapoh, bad ki pyntngit ia u briew.

Ka jingneit ka nong Kanaan

²⁴ Haba u la ieng, u la leit noh nangta ruh sha ki phang ka Tyros bad ka Sidon; bad haba u la leit hapoh ka iing, um kwah iano iano ruh ban tip, hynrei um lah ban long ha kaba rieh. ²⁵ Naba don ka kynthei, kaba ka khun rit jong ka ka don mynsiem bymkhuid, fiaba ka la iohsngew shaphang jong u, ka la wan bad ka la dem ha ki kiat jong u. ²⁶ Kata ka kynthei te ka la long ka Grik, ka kynja Syrophinisa, bad ka la kyrpad ia u, ba un beh noh ia uta u ksuid na ka khun jong ka. ²⁷ Hynrei U Jisu u la ong ha ka, Ai ban pynkdang shuwaia ki khun; naba ym dei banshim ia ka jingbam jong ki khun, bad ban bred ha ki kwew. ²⁸ Hynrei ka la iathuh bad ka la ong ha u, Shisha, ko

Trai, wat kita ki ksew hapoh ka miej ki bam na kiba lwet jong ki khun. ²⁹ U la ong te ha ka, Namar kane ka jingong, to khie leit noh; uta u ksuid u la mih noh na ka khun jong pha. ³⁰ Te ka la leit noh sha la iing, bad ka la shem ia la ka khun, ba la pynthiah ia ka ha ka jingthiah, bad ba la mih noh uta u ksuid.

U Jisu U pynkhiah ia uba kyllut bad bym nang kren

³¹ Te ynda u la leit noh pat na ki phang ka Tyros bad ka Sidon, u la wan poi sha ka duriaw Galilaia, napdng ki phang Dekapolis. ³² Bad ki wallam ha u ia uba kyllut bad bakren thlun; ki kyrpad ruh ia u ba un buh ia la ka kti ha u. ³³ Te haba u la shim noh ia u kyrpang weibriew na uta u paidbah, u la buh ia la ki shynriahti ha ki shkor jong u, bad haba u la lah biah, u la ktah ia u thylliej jong u; ³⁴ bad haba u la khmied sha bneng, u la ud, bad u ong ia u, Ephphatha, kata ban ong, To long ba la plie. ³⁵ Te kumne kumne ruh la plie noh ia ki shkor jong u, bad la lait ka jingteh u thylliej jong u, bad u la nang kren beit. ³⁶ U la hukum te ia ki ba kin ym iathuh hano hano ruh, hynrei katba u la nang adong ia ki, katta ki la nang ia pynbna kham tam pynban. ³⁷ Te ki la sngew kyndit bymlah ong shuh, ki da ong, Ka bha baroh kat kaba u la leh; naba u pynlong ia kiba kyllut ban sngew, bad ia ki bymnang kren ban kren.

U Jisu U khawai ia ki saw hajar

8 Ha kita ki sngi, mynba la don pat u paidbah babun eh, bad ba kim don ei ei ruh ban bam, U Jisu u la khot ha u ia ki synran jong u, bad u ong ha ki, ² Nga angewsynei ia u paidbah; naba mynta la lai sngi ki la iashong bad nga, bad kim don shuh ei ei ruh ban bam: ³ lada ngan phah noh jingit ia ki sha la iing, kin iap tyrsaw noh ha lynti; naba na ki don kiba la wan na sha jngai. ⁴ Ki synran jong u te ki la iathuh ha u, Nangno yn lah ban pynkdang ia kine da u kpu hangne-ha ka jaka kynjah? ⁵ Te u la kylli ia ki, Phi don katno ki kpu? Bad ki la ong, Hynhiew tylli. ⁶ u la hukum te ia uta u paidbah ban shong ha khyn-dew; te haba u la shim ia kita ki hynhiew tylli ki kpu, bad ba u la lah nguh, u la kdiah, bad u la ai ha ki synran jong u, ban buh ha khmat jong ki; ki ruh ki la buh ha khmat uta u paidbah. ⁷ Ki la don ruh khyndiat ki dohkha rit: te haba u la lah kyrkhu, u la ong ban buh ia kita ruh ha khmat jong ki. ⁸ Kumta ki la iabam, bad ki la kdang; bad ki la iakhar hynhiew tukri na kiba lwet kiba la sah tam. ⁹ Kita kiba la iabam te ki don kumba saw hajar: bad u la phah noh ia ki.

¹⁰ Te kumne kumne ruh haba u la leit ha ka lieng lem bad ki synran jong u, u la wan sha ki phang ka Dalmanutha.

Ki Pharisi ki pan ia ka dah

¹¹ Te ki Pharisi ki la mih noh, bad ki la sdang ban iakylli nia ia u, ba ki

iawad na u ka dak na bneng, ki da iatynjuh ia u. ¹² Haba u la ud jylliew te ha la ka mynsiem, u la ong, Balei ba kane ka pateng bynriew ka wad ia ka dak ? shisha nga ong ha phi, Yn ym ai ka dak ha kane ka pateng bynriew. ¹³ Te haba u la iehnoh ia ki, u la kiew pat ha kata ka lieng, bad u la leit noh sha shiliang.

U thiat ki Pharisi bad ki Saddusi

¹⁴ Te ki la klet ban wallam kpu, lymne kim shym don lem bad ki nalar uwei u kpu ha kata ka lieng. ¹⁵ Te u la hukum ia ki, u da ong, To sumar, "to kiar na u thiat ki Pharisi, bad na u thiat U Herod. ¹⁶ Ki te ki la iakren hi paralok, ki da ong, Ba ngim don kpu. ¹⁷ Haba U Jisu te u la tip, u ong ha ki, Balei phi iakren naba phim don kpu ? phim pat puson lymne sngewthuh ? phi dang don ka dohnud jong phi ka-ba eh ? ¹⁸ haba phi don ki khmat, phim iohi ? haba phi don ki shkor ruh, phim iohsngew ? phim kynmaw ruh ? ¹⁹ Mynba nga la kdiah ia ki san tylli ki kpu ha kita san hajar, dap katno tukri na kiba lwet phi la iakhar ? Ki ong ha u, Khadar. ²⁰ Bad mynba ia kita hynniew tylli ha kita saw hajar, dap katno tukri na kiba lwet phi la iakhar ? Ki la ong ruh, Hynniew, ²¹ U la ong te ha ki, Kumno ba phim pat sngewthuh ?

U Jisu U pynkhiah ia u briew bumatlah ha Bethsaida

²² Ki wan ruh sha Bethsaida; te ki wallam ha u ia uba matlah, bad ki ia kyrpad ia u ban ktah ia u. ²³ Te haba

u la bat ia uta uba matlah na ka kti, u la ialam noh ia u shabar kata ka shnong; bad haba u la biah ha ki khmat jong u, bad ba u la buh ia ki kti ha u, u la kylli ia u, Me iohi ei ei ? ²⁴ Haba u la khmied te, u la ong, Nga iohi ki briew kum ki dieng ba ki iaid. ²⁵ Haden kata u la buh pat ia la ki kti ha ki khmat jong u; bad u la pynkh-mied ia u; te la pynbha pat ia u, bad u la iohi shynna ia kiei kiei baroh. ²⁶ Bad u la phah ia u sha la iing, u da ong, Wat rung satia sha kato ka shnong.

Ka jingphla u Petros shaphang U Jisu

²⁷ Te U Jisu u la leit noh, bad ki synran jong u, sha ki nongrit jong ka Kaisaraia Philipi: bad ha lynti u la kylli ia ki synran jong u, u da ong ha ki, Ia nga, ki briew ki ong ba nga long uei ? ²⁸ Ki la iathuh te, U Ioannis u Nongpynbaptis: kiwei, U Elias; kiwei pat de Uwei na ki nongiathuhlypa. ²⁹ Te u kylli ia ki, Hynrei phi phi ong ba nga long uei ? U Petros u iathuh, u ong ha u, Me long uta U Khrist. ³⁰ U la hukum skhem te ia ki ba kin ym iathuh hano hano ruh shaphang jong u.

U Jisu U iathuhlypa shaphang ka ka jingshahshitom bad ka jingiap jong u

³¹ Te u la sdang ban hikai ia ki, ba ka dei ia U Khun u briew ban shah shibun kiei kiei ruh, bad ba yn kyntait da ki tymmen basan, bad ki rangbah lyngdoh, ki nongthoh, bad ba yn pyniap ruh; bad hadien lai sngi un

mihpat. ²⁸ Ha kaba paw shynna ruh u la kren ia kata ka jingong. Haba U Petros te u la shim kyrpang ia u, u la sdang ban sneng ia u. ²⁹ Hynrei haba u la phai, bad ba u da khmih ha ki synran jong u, u la sneng ia U Petros, u da ong, Khie leit shadien jong nga, me u Soitan: naba mem niew ia kiei kiei ruh ki jong U Blei, Hynrei tang ia kiei kiei ruh ki jong ki bried.

U sneng ruh ia kaban isishah ha ka jingleh bein

³⁴ Te haba u la khot ha u ia u paidbah lem bad ki synran jong, u, u la ong ha ki, Jar uba mon ban wan bud nadien jong nga, ai ba un len ia lade, bad un bah ia la ka diengphna, bad un bud ia nga: ³⁵ naba uno uno ruh u ban mon ban pynim ia la ka mynsiem, un duh noh ia ka; uno uno ruh u ban duh noh te ia la ka mynsiem, na ka bynta jong nga bad ka jong ka gospel ruh, uta kein un shem ia ka. ³⁶ Naba u bried un myntoi ai, lada un ioh ia ka pyrtnei baroh, bad un duh noh ia la ka mynsiem? ³⁷ naba u bried un ai ai ban iapein ia la ka mynsiem? ³⁸ naba uno uno ruh uben angewlehrain ia nga bad ia ki ktien jong nga, ha kane ka pateng bynriew baklim bad bapop, U Khun u bried ruh un lehrain ia uta, haba u wan haka burom U Kpa jong u, lem bad ki angel bakhuid.

Ka jingkylla dur

9 Te u la ong ha ki, Shisha nga ong ha phi, ba don kiba na kine kiba ieng haagne, kiban ym mad ia ka jingiap

tadynda ki la iohi ia ka hima U Blei ba ka la wan da ka bor. ³ Ynda la hynriew sngi te U Jisu u shim lem ia U Petros, bad ia U Jakob, bad ia U Ioannis, bad u liet lam ia ki sha u lum bajrong kyrpang hi; bad la pynkylladur ia u ha khmat jong ki, ² ki jain jong u te ki la long kiba tyngshain, kiba lieh eh, kat kata ruh ym don u nongpynkhuid jain ha ka pyrtnei uba lah ban pynlieh.

⁴ La paw ruh ha ki U Elias lem bad U Moses, bad ki da iakren bad U Jisu.

⁵ Haba U Petros u iathuh te u ong ka U Jisu, Ko Kynrad, ka bha ia ngi ban don hangne; ai ngin iathaw te lai tylli ki ling dara, kawei ia me, kawei ruh ia U Moses, had kawei ruh ia U Elias. ⁶ Naba um tip iaei ba un kren, naba ki la sheptieng eh. ⁷ Te la wan u lyoh uba kah ia ki, bad ka ktien ka la wan na uta u lyoh, ka da ong, Une u long U Khun jong nga uba iet, tophim engew ia u. ⁸ Te kyndit kyndit haba ki la khmih kylleng sawdong, kim iohi shuh iano iano ruh, hynrei tang ia U Jisu hi lem bad ki hi.

⁹ Te haba ki dang hiar na uta u lum, u la hukum skhem ia ki ba kin ym iathuh hano hano ruh ia kiei kiei ruh ia kiba ki la iohi, tadynda U Khun u bried u la mihpat na kiba iap. ¹⁰ Ki la iabat skhem te ia kata ka ktien, ba ki da iakylli paralok hi, ka long ai, kata, ban mihpat na kiba iap. ¹¹ Te ki la kylli ia u, ki da ong, Balei ba ki ong ki nongthoh ba ka dei ia U Elias ban wan shuwa? ¹² U te u da iathuh u la ong ha ki, U Elias shisha u wan shuwa, bad u pynbha ia kiei kiei baroh ruh; bad kumao la thoh Shaphang U

Khun u brier ? ba un shah bun kiei kiei ruh, bad ba yn niew bein ia u.
¹² Hynrei nga ong ha phi, ba U Elias u la wan, bad ki la leh ia u katba ki la imon, kumba la thoh shaphang jong u.

U Jisu U pyngkhiah ia u khynnah uba pang bhuw

¹⁴ Haba ki la wan te sha ki synran, ki la iohi ia u paidbah babun tawiar ia ki, bad ia ki nongthoh ruh ba ki iasaid bad ki.
¹⁵ Te kumne kumne ruh uta u paidbah baroh, haba ki la iohi ia u, ki la engew kyndit eh, bad haba ki la phet sha u, ki la nguh ia u.
¹⁶ U la kylli te ia ki, Iaei ba phi iasaid bad ki ?
¹⁷ Uwei te na uta u paidbah u la iathuh u la ong ruh, Ko Nonghikai, nga la wallam ha me ia u khun jong nga, uba don u mynsiem bymnang kren;
¹⁸ shaei shaei ruh ba u lap ia u, u lympat ia u, te u sei tyrtho, bad u kyriat ia la ki bniat, bad u nangawai ruh: nga la ong te ha ki synran jong me ba kin beh noh ia u, te kim lah satia.
¹⁹ Te u iathuh bad u ong ha ki, Ah phi ka pateng bynriew bymngait, sa katno ngan long bad phi ? sa katno ngan shah ia phi? to wallam ia u ha nga.
²⁰ Ki la wallam te ia u ha u, bad haba u la iohi ia u, kumne kumne ruh uta u mynsiem u la ring kyrtat ia u; bad haba u la kyllon ha ka khyndew, u la kasaid, u da sei tyrtho ruh.
²¹ U la kylli te ia u kpa jong u, Ka la slem katno naduh ba la jia kane ha u? U la iathuh te, Naduh ba dang khynnah;
²² u ju pyngnoh jyndeih ruh ia u ha ka ding bad ha ki um, ban pyngot

ia u: hynrei lada me lah ei ei ruh, to isynei ia ngi, bad to iarap ia ngi.
²³ U Jisu u la ong ha u te, Lada me lah ban ngeit ! Kiei kiei baroh ki long ki balah ia uta uba ngeit.
²⁴ Te kumne kumne ruh haba u kpa uta u khynnah u la iam jam, u la ong bad ki jingjaw ummat ruh, Nga ngeit, Ah Trai; to iarap ia ka jingbymngait jong nga.
²⁵ Te haba U Jisu u la iohi ba u paidbah u iaphet lang sha u, u la sneng ia uta u mynsiem bymkhuid, u da ong ha u, Ko mynsiem bymnangkren bad bakyllut, nga hukum ia me, To mih noh na u, wat leit bsut shuh ruh ha u.
²⁶ Haba u la lynfiar te, bad u la ring kyrtat ia u shikadder, u la nuh noh: bad uta u khynnah u la long kum uba la iap, katba shibun ki ong, ba u la iap.
²⁷ Hynrei U Jisu haba u la bat ia u na ka kti, u la khyllie ia u, u de u la ieng joit.
²⁸ Haba u la leit te hapoh iing ki synran jong u ki la kylli ia u jar jar, Balei ba ngi ngim lah ban beh noh ia u ?
²⁹ U la ong te ha ki, Ia u kynja une ym lah ban pyngruh noh daei daei ruh em, hynrei tang da ka jingduwai bad ka jingit.

U Jisu U iathukhypha shaphang ha jingiap jong U

³⁰ Haba ki la ialeit noh nangta ruh, ki la iasaid lyngba ia ka Galilaia; um mon te iano iano ruh ban tip.
³¹ Naba u la hikai ia ki synran jong u, bad u la ong ha ki, Yn sa aiti noh ia U khun u brier ha ki kti ki brier, bad kin pyngiap ia u, te haba la pyngiap, un

sa mihpat ha kaba lai ngi. ³² Hynrei kim shemphang ia kata ka jingong, bad ki la sheptieng ban kylli ia u.

Uei uba kham khraw

³³ U la poi ruh ha Kapernam: te haba u dang don ha iing, u la kylli ia ki, Kaei ba phi iasaid paralok ha lynti? ³⁴ Hynrei ki la shu sangap, naba ki la lah iasaid hi paralok ha lynti, uei uban kham khraw. ³⁵ Haba u la shong te u la khot ia ki khadar ngut, bad u la ong ha ki, Lada uno uno ruh u kwah ban long shuwa, un long uba khadduh na ki baroh, bad u shakri jong ki baroh. ³⁶ Haba u la shim te ia u khynnah, u la pyning ia u hapdeng jong ki; bad haba u la shim kynthup ia u, u la ong ha ki, ³⁷ Uno uno ruh uban pdiang ia uwei na kum kine ki khynnah ha ka kyrteng jong nga, u pdiang ia nga: bad uno uno ruh uba pdiang ia nga, um pdiang ia nga hi, hynrei ia uta kein uba la phah fa nga.

U bym ialeh ia ngi, u long ha ka liang jong ngi

³⁸ U Ioannis u la ong ha u, Ko Nonghikai, ngi la iohi ia uwei uba beh noh ia ki kasuid ha ka kyrteng jong me; te ngi la adong ia u, namar um iabud lok bad ngi. ³⁹ Hynrei U Jiesu u la ong, wat adong shuh ia u; naba ym don uba leh ia ka kambah ha ka kyrteng jong nga, uba lah shen ruh ban kren sniew ia nga: ⁴⁰ naba jar ubym ialeh ia ngi, u long ha ka liang jong ngi. ⁴¹ Naba uno uno ruh uban ai ha phi ban dihi shi khuri ka

um ha ka kyrteng jong nga, namar ba phi long ki jong U Khrist, shisha nga ong ha phi, un ym duh da lei lei ia la ka nong.

Shaphang ki jingjynthut

⁴² Jar uban pynthut te ia uwei na kine kiba rit kiba ngeit ha nga, ka la kham bha ia u lada la teh da u maw tylliati bakhraw ha ka ryndang jong u, bad la bred ruh ia u ha duriaw. ⁴³ Lada ka kti jong me te ka pynthut ia me, to ot noh ia ka: ka bha ia me ban leit bsut dkoh sha ka jingim, ban ia kaba me don artylli ki kti ban leit sha dujok, sha ka ding bymjulip, ⁴⁴ sha kaba u ksain jong ki um iap, bad ka ding kam ju lip. ⁴⁵ Lada ka kiat jong me ruh ka pynthut ia me, to ot noh ia ka: ka bha ia me ban leit bsut dkoh sha ka jingim, ban ia kaba me don ar tylli ki kiat ban bred ia me ha dujok, sha ka ding bymjulip, ⁴⁶ sha kaba u ksain jong ki um iap, bad ka ding kam ju lip. ⁴⁷ Lada ka khmat jong me ruh ka pynthut ia me, to khlaw noh ia ka: ka bha ia me ban leit bsut sha ka hima U Blei tang kawei ka khmat, ban ia kaba me don artylli ki khmat ban bred ia me ha dujok ding, ⁴⁸ sha kaba u ksain jong ki um iap, bad ka ding kam ju lip. ⁴⁹ Naba ia u briew baroh yn kyllan mluh da ka ding, kumba k' llan mluh da ka mluh ia ka jingknia baroh. ⁵⁰ Ka mluh ka bha: hynrei lada kata ka mluh ka la kylla blad, te daei phin pynthiang pat ia ka? To phin iadon mluh ha lade lade, to phin iasuk ruh paralok hi.

*U Jisu U hikai shaphang ka
jingiapyllait tnga*

10 Haba u la mih nangta, u la wan ha ki phang Judia, sha shiliang ka Jordan: bad ki paidbah ki la ialum lang pat ha u; te kumba u la ju leh, u la hikai pat ia ki. ² Te don na ki Pharisi kiba la wan ha u, bad ki la kylli ia u, Ka bit ne em ia u briew ban pyllait noh ia la ka tnga? ba ki iatynjuh ia u. ³ U da iathuh u la ong te ha ki, Kaei ba U Moses u la hukum ia phi? ⁴ Ki te ki la ong, U Moses u la shah ban thoh ia ka kot iehnoh, bad ban ia pyllait noh. ⁵ Hynrei U Jisu u la ong ha ki, Namar ka dohnud runar jong phi u la thoh ia phi ia kane ka hukum: ⁶ hynrei la myndanglong ka pyrthei, shynrang bad kynthei U Blei u la thaw ia ki: ⁷ na ka bynta kane, u briew un iehnoh ia la u kpa bad ia la ka kmie, bad un iaineh bad la ka tnga; ⁸ ki baroh ar ngut te kint ia long kawei ka doh. Kumta kim long ar ngut shuh, hynrei kawei ka doh. ⁹ Namar kata, ia kaba U Blei u la pyniasoh lem, to u briew wat pyniakhlad. ¹⁰ Ynda ha ting ki synran jong u la kylli pat ia u shaphang kata kajuh. ¹¹ U ong te ha ki, Uno uno ruh uban iehnoh ia la ka tnga, bad uban shongkurim ia kawei pat, u klim ia ka: ¹² lada kata ruh kan iehnoh ia la u tnga, bad kan shongkurim ia uwei pat, ka klim.

U Jisu U kyrkhu ia ki khynnah

¹³ Ynda kumta ki la wallam ia ki khunlung ha u, ba un ioh ktah ia ki,

ki synran te ki la sneng ia kita kiba iawallam ¹⁴ Hynrei haba U Jisu u la iohi ia kata, u la sngewsih eh, bad u la ong ha ki, To shah ia ki khunlung ban wan ha nga, to wat khang ruh ia ki: naba ia kiba kum kita long ka hima U Blei. ¹⁵ Shisha nga ong ha phi, uno uno ruh uban ym pdiang ia ka hima U Blei kum u khun khynnah, un ym leit beut hapoh kata. ¹⁶ Te haba u la shim kynthup ia ki, u la buh ia la ki kti ha ki, u da kyrkhu ia ki.

U Samla bariewspoh

¹⁷ Haba u dang leit te nangta sha lynti bah, uwei u la phet ha u bad u la dem khohsiew ha u, bad u la kylli ia u, Ko Nonghikai babha, kaei ngan leh ba ngan ioh ka jingim bymjukut? ¹⁸ U Jisu u la ong te ha u, Balei ba me khot babha ia nga? Ym don uba bha, hynrei tang uwei, uba U Blei. ¹⁹ Me tip ia ki hukum: wat klim, wat pyniap, wat tuh, wat sakhi lamler, wat leh klop, burom ia la u kpa bad ia la ka kmie ruh. ²⁰ Te u la iathuh ha u, Ko Nonghikai, ia kita baroh nga la sumar la myndang khynnah. ²¹ U Jisu te haba u la khmih ha u u la sngewieit ia u, bad u la ong ha u, Kawei ka dang duna ia me: to khie leit, die noh katba me don, ai ruh ha kiba duk, te men ioh ka jingkyashew ha bneng: te ale, da rah ia ka diengphna, to bud ruh ia nga. ²² Te u la buhkhoh namar kata ka ktien, bad u la leit noh sngewsih, naba u la don shibun ki spah.

²³ Haba U Jisu te u la khmied baroh sadwong, u la ong ha ki synran jong u, Ah, kaba da eh ia kiba don spah, ba kin leit bsut ha ka hima U Blei! ²⁴ Ki synran te ki la kyndit thred namar kita ki ktien jong u. Hynrei U Jisu u da iathuh pat, u ong ha ki, Ko khun, ewl kaba da eh ia kita kiba shaniah ha ki spah, ban leit bsut ha ka hima U Blei! ²⁵ Ka long kaba kham jem ia ka ut ban bsut lyngba ia ka thliw thyrnia, ban ia uba riewspah ban leit bsut ha ka hima U Blei. ²⁶ Ki te ki la nang angewkyndit shikaddei eh, ki da ia ong ha u, Te kumta uci ba lah ban lait iim? ²⁷ Haba U Jisu U la khmih shain te ha ki, u la ong, Ha ki briew kata ka bymlah, hynrei ym ha U Blei: naba kiei kiei baroh ki long kiba lah ha U Blei.

²⁸ Ynda kumta U Petros u la sdang ban ong ha u, Ha khmih, ngi la iehnoh ia kiei kiei baroh, ngi la bud ruh ia me. ²⁹ Hynrei U Jisu u da iathuh u la ong. Shisha nga ong ha phi, ym don uba la iehnoh ia ka iing, lane ia la ki hynmen hynbew shynrang ne kynthei, lane ia u kpa lane ia ka kmie, lane ia ka tnga lane ia ki khun, lane ia ki bri, na ka bynta jong nga bad jong ka gospel, ³⁰ hynrei un iohdiang kein shispah shah ia katta mynta ha kane ka por, ia ki iing, bad ia ki hynmen hynbew shynrang bad kynthei, bad ia ki kmie, bad ia ki khun, bad ia ki bri de, lem bad ki jinglehbein, bad ha ka pyrthei kaban sa wan ka jingim bymjukut. ³¹ Hynrei shibun *kiba shuwa* kin long khaddun, bad kiba khadduh *kin long shuwa*.

U Jisu u kren kaba lai sien shaphang la ka jingiap

³² Ki iadon te ha lynti ba ki da ialeit kiew sha Jerusalem, bad U Jisu u la iaid ha shuwa jong ki: bad ki la kyndit eh, bad kita kiba bud ki la sheptieng. Haba u da shim pat ruh ia ki khadar ngut, u la sdang ban iathuh ha ki ia kiei kiei kiban sa jia ha u. ³³ Naba, ha khmih, ngi ialeit kiew sha Jerusalem, te ia U Khun u briew yn sa ai noh ha ki rangbah lyngdoh bad ha ki nongthoh; bad kin pyurem ia u ia kaban iap, bad kin ai noh ruh ia u ha ki Jentil: ³⁴ ki te kin lehbein ia u, bad kin hynthiew ia u, bad kin sympat ia u, bad kin pyiniap noh ia u, hynrei ha kaba lai sngi un mihpat.

Ka jingpan u Jakob bad u Ioannis

³⁵ U Jakob bad U Ioannis, ki khun U Sebedi, ki la wan te ha u, ki da ong, Ko Nonghikai, ngi kwah ba men leh ia ngi ia kaei kaei ba ngin sa pan na me. ³⁶ U la ong te ha ki, Kaei ba phi kwah ia nga ban leh ia phi? ³⁷ Ki la ong te ha u, To ai ia ngi ba ngin shong, uwei sha kamon jong me bad uwei pat sha kadiang jong me, ha ka burom jong me. ³⁸ Hynrei U Jisu u la ong ha ki, Phim tip kaei ba phi pan: phi lah ban dii na kata ka khuri na kaba ngan sa dii, bad ba yn pynbaptis ia phi ruh da kata ka jingbaptis da kaba yn sa pynbaptis ia nga? ³⁹ Te ki la ong ha u, Ngilah. Hynrei U Jisu u la ong ha ki, Ia kata ka khuri na kaba ngan sa dii, phin dii shisha, bad da kata ka jingbaptis da kaba yn

sa pynbaptis ia nga, yn pynbaptis ia phi ruh; ⁴⁰ hynrei ban ahong sha kamon jong nga bad sha kadiang jong nga, kam long ka jong nga ban ai, hynrei *ka jong ia kita* ia kiba la pynkhreh ia ka. ⁴¹ Te haba kita ki shiphew ngut ki la iohangew, ki la sdang ban iaangewsih ia U Jakob bad ia U Ioannis. ⁴² Te U Jisu haba u la khot ia ki ha u, u ong ha ki, Phi tip ba kita kiba ki iañiew bari synhar ia ki Jentil, ki leh trai khlieh ia ki; bad ki bakhraw batri na ki ki leh bor ia ki: ⁴³ hynrei kan ym long kumta hapteng jong phi; hynrei uno uno ruh uban kwah ban long bakhraw hapteng jong phi, un long u shakri jong phi, ⁴⁴ bad uno uno ruh na phi uban kwah ban long rangbah, un long u mraw jong phi baroh: ⁴⁵ naba shisha U Khun u brieve um shym la wan ban ioh shakri, hynrei ban shakri, bad ban: ai la ka jingim *ban long* ka jingsiewspah na ka bynta kiba bun.

*U Jisu U pynpeit pat ia u Bartimaïos
bamattlah*

⁴⁶ Te ki la wan poi ha Jerikho; haba u dang leit noh ruh na Jerikho bad ki synran jong u bad u paidbah habun de, U Bartimaïos, uba matlah, u khun U Timaios, u la shong harud lynti, ba u da makia. ⁴⁷ Haba u la iohsngew te ba dei U Jisu uba na Nasaret, u la sdang ban kyrpad jam, ban ong ruh, Ko Jisu, me U Khun U Dabid, to isyncei ia nga. ⁴⁸ Bun te ki la sneng ia u, ba un engap jar, hynrei u la kyrpad jam khamtam, Me U Khun U Dabid, to isyncei ia nga! ⁴⁹ U Jisu haba u la

ieng te, u la ong, To khot ia u. Bad ki khot ia uta uba matlah, ki da ong ha u, To kyrmen, to ieng ruh, u khot ia me. ⁵⁰ U ruh u da buh noh bak ia la ka jainkup, haba u la ieng joit, u la wan ha U Jisu. ⁵¹ U Jisu u da iathuh te u la ong ha u, Me kwah ba ngan leh aiu ia me? Uta uba matlah u la ong te ha u, Ko Nonghikai, ba ngan ioh imat. ⁵² U Jisu u la ong te ha u, To khie leit noh, kata ka jingneit jong me ka la pynkhiah ia me; te kumne kumne ruh u la ioh imat, bad u la bud ia u ha kata ka lynti.

*Ka jingleit rung U Jisu shapoh
Jerusalem kum u Syiem*

11 Te ynda ki la poi shajan Jerusaleml, sha Bethphage bad Bethania, haduh u lum ki Olib, u pah arngut na ki synran jong u, ² bad u ong ha ki, khie leit sha ka shnong kaba hamar pyrshah jong phi: te phi tang shu poi ha ka, phin shem ia u khun kadda ba la teh, ubym pat ju don u brieve ba la shong; to pyllait ia u, bad to wallam noh ia u. ³ Te lada uno uno ruh un ong ha phi, Balei phi leh kumne? phin ong ha U Trai u donkam ia u, te kumne kumne ruh un phah noh ia u hangne, ⁴ Te ki la leit noh, bad ki la shem ia uta u khun kadda ba la teh ha ka jingkbang habar, ha lynti shnong: te ki pyllait ia u. ⁵ Kiba na kita te kiba ieng hangta, ki la ong ha ki, Phi leh aiu, ba phi pyllait ia uta u khun kadda? ⁶ Ki la ong te ha ki kumba U Jisu u la hukum, te ki la shah ia ki. ⁷ Ki la wallam te ia uta u khun kadda ha U Jisu, bad ki la

siang halor jong u ia ki jainkup jong ki; bad u la shong halor jong u. ⁸ Bun ruh ki la siang ia ki jainkup jong ki ha ka lynti; kiwei te ki la khyllad ia ki tnat dieng, bad ki la siang ha kata ka lynti. ⁹ Te kita kiba iaid sha shuwa, bad kita kiba bud nadien de, ki la iápyrta, Hosanna! Long ba la kyrkhu uta uba wan ha ka kyrteng U Trai. ¹⁰ Long kaba la kyrkhu kata ka hima kaba wan, *ka hima* ka jong U Dabid u kpa jong ngi kein. Hosanna ha kiba jrong tam eh! ¹¹ U Jisu u la leit ruh shapoh Jerusalem, shapoh ka templ; te haba u la khmih baroh sawdong ia kiei kiei baroh, ba ka long lypa ruh janmiet, u la leit noh sha Bethania lem bad ki khadar ngut.

U Jisu U tim ia u dieng dumbur

¹² Ha kaba lashai te, haba ki la mih noh na Bethania, u la sngewthngan. ¹³ Haba u la iohi te ia u dieng dumbur na jngai, ba u don ki sla, u la leit *ban khmih* la un shem ei ei ha u; haba u la poi te ha u, um shym la shem ei ei ruh hynrei tang ki sla, naba kam pat long ka aiom soh dumbur. ¹⁴ Te U Jisu u la iathuh bad u la ong ha u, Ym don uban bam soh shuh na me lano lano ruh! Ki synran jong u ki la iohsngew.

U Jisu U pyinkhuid ia ka templ

¹⁵ Bad ki la poi ha Jerusalem. Te haba u la leit shapoh ka templ, u la edang ban beh noh ia kita kiba iadie iathied ha ka templ; bad u la pyinkyllon ia ki miej jong ki nongiapein sbai,

bad ia ki jingshong jong kita kiba iadie paro, ¹⁶ bad um shah iano iano ruh ban rah jingdiang ei ei lyngba ia ka templ; ¹⁷ U la hikai ruh, u da ong ha ki, Ym shym la thoh: la ka iing jong nga yn khot ka iing jingduwai ia ki briew baroh? hynrei phi ka krem nongtuh phi la pynjong ia ka. ¹⁸ Ki nongthoh bad ki rangbah lyngdoh te ki la iohsngew ia kata, bad ki la iawad dong kumno ba kin pyniap noh ia u, namar ki la sheptieng ia u. Hynrei u paidbah baroh u la kyndir thred na ka jinghikai jong u. ¹⁹ Te janmiet janmiet u la leit noh shabar ka shnong.

Ka jinghikai na u dieng dumbur

²⁰ Haba ki la iaid lait mynstep ruh, ki la iohi ia uta u dieng dumbur ba la iap tyrkhong naduh ki thied. ²¹ U Petros te haba u da kynmaw pat u ong ha u, Ko Kynrad, ha khmih, uta u dieng dumbur ia uba me la tim, u la iap tyrkhong noh! ²² U Jisu u da iathuh u ong te ha ki, To ioh ma phi ka jingngeit ha U Blei. ²³ Shisha ngu ong ha phi, ba uno uno ruh uban ong ha une u lum, To long ba la rat noh, to noh ruh sha duriaw, bad un ym sngew artatid ha la ka dohnud, hynrei un ngeit ba yn sa long kiei kiei ruh ia kiba u la ong, kan long ia u kae kae ruh ia kaba un ong. ²⁴ Namar kata nga ong ha phi, ba kiei kiei baroh kat kiba phi pan, haba phi kyrpad, to ngeit ba phi pdiang ia kita, te phin sa ioh. ²⁵ Haba phi da ieng kyrpad ruh, to map, lada phi bat sngewsih iano

iano ruh. ba U. Kpa jong phi ruh uba ha bneng un map ia phi ia ki ryngkang jong phi: ²⁶ hynrei lada phi phim iamp, te U Kpa jong phi uba ha bneng un ym map ia ki ryngkang jong phi.

*Kabà kem ktien shaphang ha iktiar
U Jisu*

²⁷ Bad ki wan pat sha Jerusalem: te katba u dang iaid ha ka templ, ki rangbah lyngdoh, bad ki nongthoh, bad ki tymmen basan ruh ki wan ha u, ²⁸ bad ki ong ha u, Da ka bor aiu me leh ia kine kiei kiei ruh? bad la ai mano ha me ia kane ka bor ben leh ia kine kiei kiei ruh? ²⁹ U Jisu u da iathuh u la ong te ha ki, Nga ruh ngan kylli ia phi kawei ka jingkylli, to iathuh te ha nga, te ngan sa ong ha phi da ka bor aiu ba nga leh ia kine kiei kiei ruh: ³⁰ Ka jingbaptis u Ioannis ka long na bneng, lane na ki briew? to iathuh ha nga. ³¹ Hynrei ki la iasaid hi paralok, ki da ong, Lada ngin ong, Na bneng, un ong, Hato balci te ba phim shym la ngeit ha u? ³² Hynrei lada ngin ong, Na ki briew, ki la sheptieng ia u paidbah; naba baroh ki fiew ia U Ioannis kum u nongiathuhlypa uba da shisha. ³³ Ki da iathuh te, ki ong ha U Jisu, Ngim tip. Te U Jisu u da iathuh, u ong ha ki, Nga ruh ngam ong ha phi da ka bor aiu nga leh ia kine kiei kiei ruh.

Ka pharshi shaphang ka brisoh

12 Bad u la sdang ban kren ha ki ha ki pharshi. U briew u la thung ka brisoh, bad u la ker baroh

sawdong, bad u la tih jaka tylliat son wain bad u la tei ia ka ling phira, bad u la ai wai ia ka ha ki nongsumar bri, bad u la leit noh ruh sha kawei pat ka ri. ³ Te ha ka aiom *babiang* u la phah ia u shakri ha kita ki nongsumar bri, ba un ioh diang na kita ki nongsumar bri na ki soh jong kata ka brisoh, ⁴ hynrei haba ki la kem ia u, ki la sympat, bad ki la phah noh suda. ⁵ U la phah pat te sa uwei pat u shakri ha ki; ia uta ki la pynmong ia ka khlich jong u, bad ki la phah noh ia u haba la pynjah burom. ⁶ U la phah sa ia uwei ruh; ia uta ki la pyniap noh: bad ia bun kiwei kiwei pat; ia kiwei ki la sympat, bad ia kiwei pat ki la pyniap noh. ⁷ Te u dang don sa uwei, u khunuba icit ch jong u; u la phah ia uta ruh uba khadduh ha ki, u da ong, Kin burom ia u khun jong nga. ⁸ Hynrei kita ki nongsumar bri ki la iaong paralok hi, Une uban sa long u trai ka brisoh; ia, ngin iapyniap noh ia u, te ka bynta kan long ka jong ngi: ⁹ haba ki la kem te ia u, ki la iapyniap noh, bad ki la iabred noh shabar kata ka brisoh. ¹⁰ Namar kata, uta u trai ka brisoh un sa leh aiu? un wan kein bad un pynjot noh ia kita ki nongsumar bri, bad un sa ai ia ka brisoh ha kiwei. ¹¹ Phim shym la pule te ia kane ka jingthoh? Uta u maw ia uba ki nongtei ki la kyntait, ia une la pynlong u khlich ka dong: ¹² kane ka la long na U Trai, bad ka long kaba iphylla ha ki khmat jong ngi. ¹³ Ki la iawad dong te ban kem ia u; hynrei ki la sheptieng ia u paidbah; naba ki la

tip ba u la kren ia kata ka pharshi
pyrshah ia ki. Kumta haba ki la
iehnoh ia u, ki la leit noh.

Ka jingkylli shaphang haba ai khajna

¹³ Ki la phah te ha u kiba na ki
Pharisi bad kiba na ki nongbud U
Herod, ba kin riam ia u ha kaba kren.
¹⁴ Ki te haba ki la wan, ki ong ha u,
Ko Nonghikai, ngi tip ba me long uba
shisha bad ba mem fiew iano iano ruh;
naba mem khmih ia ka khmat ki brieve,
hynrei me hikai ia ka lynti U Blei ha
kaba shisha. Hato ka bit ne em ban ai
khajna ha U Kaisar ? ngin ai, ne ngim
ai ? ¹⁵ Hynrei u, ba u ithuh ia ka
buit arsap jong ki, u la ong ha ki,
Balei phi tyngjuh ia nga ? wallam ha
nga ka shi suka, ba ngan iohi ia ka.
¹⁶ Ki la wallam te ia ka. U la ong
te ha ki, Ka jongno kane ka dur bad ka
jingthoh shalor ? Ki te ki la ong ha
u, Ki jong U Kaisar. ¹⁷ U Jisu u la
iathuh u la ong te ha ki, To ai ha U
Kaisar ia kiei kiei ki jong U Kaisar,
bad ha U Blei ia kiei kiei ki jong U
Blei. Hangta ki la sngew kyndit
shibun eh ia u.

Ka jingkylli shaphang ka jingmihpat

¹⁸ Ynda kumta ki Saddusi ki la wan
ha u, kiba ong bymdon ka jingmihpat,
bad ki la kylli ia u, ki da'ong, ¹⁹ Ko
Nonghikai, U Moses u la thoh ha ngi,
ba lada un iap noh u hynmen jongno
jongno ruh, bad un iehnoh tnga, te ba
um shym don khun, ba u para jong u
un shim ia ka tnga jong u, ba un

pynmih symbai ia la u hynmen.

²⁰ La don hynfiew ngut shipara: uba
shuwa te u la ioh tnga, bad haba u
iap um shym la iehnoh symbai:
²¹ uba shisien bud ruh u la shim ia ka,
u ruh u la iap noh, bad um shym la
iehnoh symbai: kumjuh ruh uba arsien
bud: ²² kumta kita ki hynniew ngut ki
ioh ia ka, bad kim shym la iehnoh
symbai; kaba khadduh eh na ki baroh,
kata ka kynthei ruh ka la iap noh.
²³ Namar kata, ha ka jingmihpat haba
kin mihpat, kan long ka tnga jongno
na ki ? naba kita ki hynfiew ngut ki
la iohkurim ia ka. ²⁴ U Jisu u da
iathuh u la ong te ha ki. Ym dei
namar kane ba phi bakla, ba phim tip
ia ki jingthoh, lymne ia ka bor U Blei ?
²⁵ Naba haba kin mihpat na kiba iap,
kim iashong kurim, lymne pynahong
kurim ia ki, hynrei ki long kum ki
angel ha bneng. ²⁶ Hynrei shaphang
ki nongiap ba yn pynmihpat ia ki,
phim ju pule ha ka kitab U Moses,
kumno ba U Blei u la kren ha u ha
kata ka lawlynnong u da ong, Nga
uba U Blei U Abraham, bad U Blei
U Isaak, bad U Blei U Jakob ruh
²⁷ Um long U Blei kiba iap, hynrei U
Blei kiba im: namar kata phi bakla
shikaddei eh.

Ka hukum haba kongsan tam

²⁸ Haba la wan te ha u uwei na ki
nongthoh uba la iohsngew ba ki
iasaid paralok hi, uba da sngewthuh
ruh ba u la iathuh bha ia ki, u la kylli
ia u, Kano ka long ka hukum kaba

kongsan na ki baroh? ²⁹ U Jisu u la iathuh te ha u, Kaba kongsan na ki hukum baroh long; Sngew, Ah Israel, U Trai uba U Blei jong ngi, U long uwei U Trai: ³⁰ men ieit ruh ia U Trai uba U Blei jong me da ka dohnud jong me baroh, bad da ka mynsiem jong me baroh, bad da ka jingmut jong me baroh, bad da ka bor jong me baroh: kane kein ka hukum kaa kongsan: ³¹ kaba ar ruh ka long kane: Men ieit ia la u paramaran kumba ia laJe. Ym don ka hukum kawei pat kaba kham khraw ia kine. ³² Uta u nongthoh u la ong te ha u, Kaba dei, ko Nonghikai! me la ong kaba shisha ba u long uwei, bad ym don uwei pat hynrei tang ma u: ³³ bad ban ieit ia u da ka dohnud baroh, bad da ka jingmut baroh, bad da ka mynsiem baroh, bad da ka bor baroh, bad ban ieit ia la u paramarjan kumba ia lade, ka long kham kor ia ki jinganguh thang bad ia ki jingknia baroh. ³⁴ Ynda U Jisu u la iohi te ba u la iathuh stad, u la ong ha u, Mem long jngai na ka hima U Blei. Te naduh kata ym don ba nud ban kylli ei ei ia u.

Ka jingkylli shuphang U Messiah

³⁵ U Jisu u la iathuh u la ong ruh, haba u dang hikai ha ka templ, Kumno ba ki nongthoh ki ong ba u u long u khun U Dabid? ³⁶ naba U Dabid hi u kren da U Mynsiem Bakhuid: U Trai u la ong ia U Trai jong nga, To shong ma me ha ka kti kamon jong nga, tadynda ngan pynlong

ia kiba shun ia me, ka jinguih hapoh ki kjat jong me. ³⁷ U Dabid hi u khot U Trai ia u; nangno te u long u khun jong u? Te bun u paidbah u la sngew ia u da kaba sngewbha.

Ka jingmaham pyrshah ia ki nongthoh

³⁸ U la ong te ha ki ha ka jinghikai jong u: To kiar na kita ki nongthoh, kiba kwah ban iaid kai ha ki jainkup hajynsur, bad ia ki jingnguh ha ki iew, ³⁹ bad ia ki jingshong bakor tam ha ki synagog, bad ia ki jaka kiba kham don burom ha ki jingkhawar; ⁴⁰ kiba bam duh ia ki iing ki riewkynthei, bad kiba duwai jlan ruh khnang ban tyllap: kine kin ioh diang ka jingpynrem kaba kham khraw.

Ka riewkynthei kaba noh ar damli

⁴¹ Te U Jisu haba u la shong hamar pyrshah ka jingkyntshew, u la khmih kunno ba u paidbah u noh sbai sha kata ka jingkyntshew: bad bun kiba riewspah ki la noh shikaddei ⁴² Haba la wan te kawei ka riewkynthei kaba duk, ka la noh ar damli, kiba long lajan shi pisa. ⁴³ Haba u la khot hau ia ki synran jong u, u la ong ha ki, Shisha nga ong ha phi, ba kane ka riewkynthei kaba duk ka la noh kham bun ia kita baroh kiba la noh sha kata ka jingkyntshew; ⁴⁴ naba kita baroh ki la noh na kaba sah tam ia ki, hynrei kane na ka jingkyrduh jong ka, kala noh baroh katba ka don, wat ia ka jingim jong ka phar.

*U Jisu U iathuhlypa shaphang
ka jingpynjot ia ka templ*

13 Te katba u dang mih noh na ka tentpl, uwei na ki synran jong u, u ong ha u, Ko Nonghikai, ha khmih, ki maw kat kine bad ki jingtei kat kine! ² U Jisu u da iathuh te u la ong ha u, Me iohi ia kine ki jingtei bakhraw? yn yn iehnoh maw halor u maw, uban ym pynhap noh.

Ki jingsluotom bad ki jingjynjar

³ Te katba u dang shong ha u lum ki Olib hamar pyrshah ka templ, U Petros bad U Jakob bad U Ioannis bad U Andriw, ki la kylli jar jar ia u, ⁴ To iathuh ha ngi, lano kine kiei kiei ruh kin long? bad ka dak kaba kumno ha ban sa pyndep ia kine kiei kiei baroh? ⁵ Bad U Jisu u la sdang ban ong ha ki, To sumar ioh ba uno uno ruh un shukor ia phi: ⁶ naba bun kin wan ha ka kyrteng jong nga, ki da ong, Ma nga U Khrist, bad kin shukor ia shibun. ⁷ Hynrei haba phin ioh-sngew shaphang ki thma bad ia ki jingbna ki thma, wat khuslai phi; naba ka dei ha kine kin long, hynrei ka-ba kut kam pat long. ⁸ Naba ka kynja bynriew kan ieng ialeh bad ka kynja bynriew, ka hima ruh bad ka hima; bad ki jingkhynñiuh jumai kin long ha bun ki jaka, bad kin long ki nemsniew: kine ki jingsdang ki jingjynjar.

⁹ Hynrei to sumar ia lade; naba kin ai noh ia phi ha ki jingbishar, bad ha ki synnagog yn sympat ia phi, bad yn

pynieng ia phi ha khmat ki lyngskor-bad ki syiem na ka bynta ka kyrteng jong nga, ia kaban long ka jingphla ia ki. ¹⁰ Te ka dei shuwa ba yn ialap ia ka gospel ha ki kynja bynriew baroh.

¹¹ Hynrei ynda kin ialam ia phi bad kin ai noh ia phi, wat sngewkhuslai lypa phi kaei ba phin kren, lymne wat puson lypa; hynrei kaei kaei ruh ba ya ai ha phi ha kata ka por, ia kata phin kren, naba phi phim long kiba kren, hynrei U Mynsiem Bakhuid. ¹² U para te un ai noh ia u para sha kaban iap, bad u kpa ruh ia la u khun, bad ki khun kin ieng ialeh ia ki kmie ki kpa, bad kin pyniap ia ki.

¹³ Bad ki briew baroh kin shun ia phi na ka bynta ka kyrteng jong nga; hynrei jar uban da iaineh ha ban da kut, uta kein uban lait im.

Ka jingijli ba pynduh

¹⁴ Hynrei ynda phin iohi ia kata ka jingijli bapynduh, kaba la kren da U Daniel u nongiathuhlypa, ba ka ieng sha ka bym dei, (Jar uba pule un da sngap,) ynda k imta kita kiba ha Judia, to kin iaphet noh sha ki lum; ¹⁵ jar uba halor iing ruh, wat ai un hiar hapoh ka iing, lymne rung shapoh ban shim ei ei na ka iing jong u; ¹⁶ bad jar uba don ha lyngkha, wat ai un wan kylla dien-pat ban shim ia ka jainkup jong u. ¹⁷ Hynrei kordit ia kita kiba punkhun, bad ia kita kiba ai buin ha kita ki sngil. ¹⁸ Hynrei to duwai ba kata kan ym long myntlang, ¹⁹ naba kin long ki sngi ki ingjynjar, kat

ki bym pat ju la long la myndanglong ka pyrrthei ia kaba U Blei u la thaw, haduh mynta, *kat kita* ruh kin ym long shuh. ²⁰ Te lymda u la pynduna U 'Trai ia kita ki sngi, kan ym da lait im kawei ka doh; hynrei, na ka bynta kiba la jied ia kiba u la jied, u la pynduna ia kita ki sngi. ²¹ Ynda kumta lada uno uno ruh un ong ha phi, Ha khmih, hangne U Khrist, lane, Ha khmih, hangta, phi wat ngeit; ²² naba ki Khrist lamler bad ki nongrathuhlypa lamler kin mih, bad kin pyni ki dak bad ki jingphylla ia kaban shukor noh, lada lah, wat ia kiba la jied. ²³ Hynrei to sumar phi! ha khmih, nga la iathuhlypa ha phi ia kiei kiei baroh.

Ka jingwan U Khun U Briew

²⁴ Hynrei ha kita ki sngi, hadien kata ka jingjynjar, ia ka sngi yn pyndum, bad u bnai un ym ai la ka jingshai, ²⁵ bad ki khlur bneng kin hap noh, bad ia ki bor kiba ha ki bneng yn pynkhynduh. ²⁶ Ynda kumta kin iohi ia U Khun u briew ba u da wan ha ki lyoh, bad ka bor bah bad ka burom ruh. ²⁷ Ynda kumta ruh un phah ia ki angel, bad un ialum lang ia kiba la jied jong u na ki saw lyer, naduh kaba kut ka pyrrthei haduh kaba kut ka bneng.

Ka pharshi na u dieng dumbur

²⁸ To nang te ia ka pharshi jong u dieng dumbur. Mynba u tnat jong u u la dang khie lung bad ba u sei sla, phi tip ba ka lyiur ka la jan; ²⁹ kumjuh ruh ma phi, ynda phin iohi ba jia kine kiei kiei ruh, phin tip ba u la jan, ha

ka jingkhang kein. ³⁰ Shisha nga ong ha phi, ba kane ka pateng bynriew kan ym leit noh tadynda la leh ia kine kiei kiei baroh. ³¹ Ka bneng bad ka khyndew te kin duh noh, hynrei ki ktien jong nga kin ym duh noh satia.

Ia kata ka sngi lane ia kata ka por, ym don ba tip

³² Hynrei shaphang kata ka sngi bad kata ka por ruh ym don ba tip, em, wat ki angel kiba ha bneng, lymne U Khun, hynrei tang U Kpa. ³³ To sumar, to sharai, to duwai ruh; naba phim tip lano ka long kata ka sngi. ³⁴ *Namar U Khun u briew u long* kum u briew uba leit jingleit sha kawei pat ka ri; uba la iehnoh ia la ka iing, bad uba la ai ha la ki shakri ka bor, ha uwei uwei ruh ka kam la ka jong ka jong, bad uba la hukum ruh ia u nongap jingkhang ban sharai. ³⁵ Namar kata to sharai, naba phim tip lano uta u trai ka iing u wan, ha kaba la janmiet, ne shiteng synfia, ne haba riw syiar, ne mynstep; ³⁶ ioh, haba u wan kyndit, un shem ia phi ba dang thiah. ³⁷ Ia kaba nga ong te ha phi, nga ong ha baroh, To sharai.

Ka jingiasylla pyrrshah ia U Jisu

14 Ynda la ar sngi te la long ka niam ka jinglait bad ki kpu khlem thiat; ki rangbah lyngdoh bad ki nongthoh te ki la wad dong kumno kin ioh kem tuh ia u, ba kin pyniap ruh. ² Hynrei ki la ong, Ym ha ka niam ka jinglait, ioh ba ka jingkhuhwin ki briew kan long.

Kaba pynsleh ia U Jisu ha Bethania

³ Haba u dang don te ha Bethania, ha ting U Simon u bapang nangthoh-
lieh, katba u shong bam, ka kynthei ka
la wan kaba don ka dabi alabaster kaba
dap da ka jingsleh basngur, kaba
kordor eh; te haba ka la plie ia kata ka
dabi alabaster, ka la theh ruh ha ka
khlieh jong u. ⁴ Hynrei don kiba la
sngew bitar ha lade, ki da ong, Ia ka
ban lei la pynlehohei ia kata ka
jingsleh? ⁵ naba ia kane ka jingsleh
lah ban die lai spah suka tam, bad ban
ai ha kiba duk. Ki la ia khñium ruh ia
ka. ⁶ Hynrei U Jisu u la ong, To
iehnoh ia ka; balei phi pynkhuslai ia
ka? ka la leh ka kam babha ia nga.
⁷ Namar phi don kiba duk lem bad
phi ha la ka sngi, bad ynda phi mon
phi lah ban leh bha ia ki; hynrei ia
nga phim ioh kein ha la ka sngi.
⁸ Kane katba ka lah ka la leh, ka la
thew lypa han pynsleh ia ka met jong
nga ia kaban tep. ⁹ Shisha nga ong ha
phi, ba shano shano ruh sha kaba
yn ialap ia kane ka gospel ha ka pyrtnei
baroh satlak, yn iathuh ruh ia kaba
kane ka la leh, ia kaban kynmaw ia ka.

U Judas u mynjur ban die noh ia U Jisu

¹⁰ U Judas Iskariot te, uwei na ki
kharar ngut, u la leit noh ha ki rangbah
lyngdoh, ba un ioh aiti noh ia u ha ki.
¹¹ Te haba ki la iohsngew, ki la iakmen,
bad ki la iakular ban ai tyngka ha u;
u te u la wad kumno un ioh lad kaba
bit ban ai noh ia u.

*U Jisu U bam ia ka niam ka
jinglait bad ki synran*

¹² Te ha ka sngi nyngkong ki kpu
khlem thiat, ha kaba ki ju knia ia ka
niam ka jinglait, ki synran jong u ki
ong ha u, Hlangno me mon ba ngin leit
khreh, ba men ioh bam ia ka niam ka
jinglait? ¹³ Te u la phah arngut na ki
synran jong u, bad u ong ha ki, Khie
leit shapoh kato ka shnong, te u
briew uba bah shi kum ka um un ia
kynduh bad phi: to bud ia u, ¹⁴ te
shaai shaai ba un leit rung, ong ha u
traai ting, U Nonghikai u ong, Hlangno
kata ka kamra jong nga, ha kaba ngan
ioh bam ia ka niam ka jinglait lem bad
ki synran jong nga? ¹⁵ Te u hi un
pyni ha phi ia ka kamra haneng kaba
khrav, ia kaba la siang jingbuh lypa;
hangta phin iakhreh ia ngi. ¹⁶ Kumta
ki synran jong u ki la leit noh, bad ki
la wan shapoh kata ka shnong, bad ki
la shem kumba u la ong ha ki; bad ki
la iakhreh ia kata ka niam ka jinglait.

¹⁷ Haba la janmiet te u wan bad kita
ki khadar ngut. ¹⁸ Haba ki dang
iashong bam, bad ba ki iabam ruh, U
Jisu u la ong, Shisha nga ong ha phi,
ba uwei na phi uba bam lem bad nga,
un die noh ia nga. ¹⁹ Ki la sdang te
ban sngewsih, bad ban iaong ia u,
uwei pa uwei, Dei ma nga? ²⁰ Te u
la ong ha ki, U dei uwei na ki khadar,
uta kein uba iawieh lem bad nga ha ka
pliang. ²¹ U Khun u briew shisha un
sa leit, kumba la thoh shaphang jong
u, hynrei kordit ia uta u briew da uba

yn die noh ia U Khun u brieve! Ka la bha ia uta u brieve lada ym shym la kha satia ia u!

U Jingkhawai U Trai

²² Haba ki dang iabam ruh U Jisu u la shim ia u kpu, bad haba u la lah nguh u la kdiah, bad u la ai ha ki, bad u la ong, 'To shim, to bam, une u long ka met jong nga. ²³ Haba u la shim ia ka khuri ruh, bad haba u la lah nguh, u la ai ka ki; ki ruh ki la dih baroh na ka. ²⁴ U la ong ruh ha ki, kane ka long ka anam jong nga ka jong ka jutang kabay thymmai, ia kaban sa pynmih noh na ka bynta kiba bun; ²⁵ shisha nga ong ha phi, ba ngan ym dih shuh na une u soh u dieng wain, tadynda kata ka sngi haba nga dih thymmai ia ka ha ka hima U Blei. ²⁶ Te haba ki la iarwai, ki la leit noh sha u lum ki Olib.

*U Jisu U iathuhlypa ia ka jinglen
noh u Petros*

²⁷ Bad U Jisu u ong ha ki, Phi baroh phin thut *namar jong nga*, naba la thoh: Ngan shoh ia u nongsharai, bad yn pynsaphred ia ki langbrot. ²⁸ Hynrei ynda la pynmihpat ia nga, ngan leit sha shuwa jong phi sha Galilaia. ²⁹ Hynrei U Petros u la ong ha u, Lada baroh ruh kin thut, hynrei nga em. ³⁰ U Jisu u ong te ha u, Shisha nga ong ha me, ba wat ma me ha kane ka sngi, ha kane hi ka miet kein, haba um pat riew u syiar ar sien, men len ia nga laisien. ³¹ Hynrei u la kren kynsan

kham tam, Lada ka dei ia nga ban iap lem bad me, ngan ym len satia ia me. Kumjuh ruh de ki la ong baroh.

U Jisu U duwai ha ka kper Gethsemane

³² Ki la wan ruh sha ka jaka kaba kyrteng Gethsemane: u ong te ha ki synran jong u, To iashong hangne, katba nga nang duwai. ³³ Te u la shim lem bad u ia U Petros bad ia U Ja' ob bad ia U Ioannis; bad u la sdang ban sngew shykrhei eh, bad ban sngew kordit eh ruh. ³⁴ U la ong te ha ki, Ka mynsiem jong nga ka pisa eh, kum ban sa iap: to iaishong hangne, to ia ap ruh. ³⁵ Te haba u la leit sha shuwa khyndiat, u la dem ha khyndew, bad u la duwai, ba lada don lad, ba kata ka por kan leit noh na u. ³⁶ U la ong ruh, Abba, ko Kpa, kiei kiei baroh ki long kiba lah ha me; to pynphai noh ia kane ka khuri na nga; pynban ym ia kaba nga mon, hynrei ia kaba me mon. ³⁷ U wan te bad u shem ia ki ba ki dang ioththiah; bad u ong ha U Petros, Ko Simon, me ioththiah? mem lah ban ia ap shi por? ³⁸ To iasharai, to iaduwai ruh, ioh ba phin leit bsut hapoh ka jingpynshoi; ka mynsiem shisha ka kloi, hynrei ka doh ka tlax. ³⁹ Haba u la leit noh pat te, u la duwai u da ong ia kijuh ki ktien. ⁴⁰ Haba u la wan phai pat ruh, u la shem ia ki ba ki da ioththiah pat naba ki khmat jong ki ki la khia; te kim tip kaei ba kin iathuh ha u. ⁴¹ U la wan ruh ha kaba laisien, bad u ong ha ki, Phi nang thiah mynta? phi nang

jahthait ruh ? kein noh! la jia ka por, ha khmih, la die noh ia U Khun u briew ha ki kti ki nongpop. ⁴³ To ieng, ngin ialeit noh, ha khmih, uta uba die noh ia nga u la jan.

Kaba kem ia U Jisu

⁴³ Te kumne kumne ruh, katba u dang kren, U Judas u wan, uba long uwei na ki khadar ngut, lem bad u ruh don u paidbah babun bad ki waitlam bad ki diengduh, na ki rangbah lyngdoh bad na ki nongthoh bad na ki tymmen basan de. ⁴⁴ Te uta uba la die noh ia u u la lah ai ka dak iakut bad ki, u da ong, Ia uba ngan doh, u dei uta; to phin kem ia u, bad ialam noh skhem. ⁴⁵ Te ynda u la wan, kumne kumne ruh, u la leit ha u, u ong, Ko Kynrad, Kynrad; u la doh ruh ia u. ⁴⁶ Ki te ki la buh ia la ki kti ha u, bad ki la kem ia u. ⁴⁷ Uwei te na kita kiba ieng hajan haba u la sei la ka waitlam, u la pom ia u shakri u rangbah lyngdoh, bad u la mait noh ia ka shkor jong u. ⁴⁸ U Jisu u da iathuh u la ong te ha ki, Kumba ha u nongtuh, phi la mih noh, bad ki waitlam bad ki diengduh ruh, ban iakem ia nga ? ⁴⁹ Nga la ju don ha la ka engi bad phi ha ka templ nga da hikai, te phim ahyim la kem ia nga. Hynrei ia ki jingthoh *donkaw* ba yn pyndep. ⁵⁰ Te baroh ki la iehnoh ia u bad ki la phet iap noh; ⁵¹ hynrei don uwei u samla uba la bud ia u, uba kup ia ka join linen bani halor *ka met* lyngkhuid jong u bad ki la kem ia u ruh; ⁵² te u la iehnoh ia kata ka jainkup

bani, bad u la phet iap noh lyngkhuid na ki.

U Jisu ha khmat ha dorbar

⁵³ Te ki la ialam noh ia U Jisu ha uta u rangbah lyngdoh, bad kita ki rangbah lyngdoh baroh, bad kita ki tymmen basan bad kita ki nongthoh de ki la iawan lang lem bad u. ⁵⁴ U Petros te u la bud ia u na sha jngai haduh hapoh phyllaw jong uta u rangbah lyngdoh bad u la shong lem bad kita ki shakri, u da syaid ding ruh. ⁵⁵ Te kita ki rangbah lyngdoh bad kata ka dorbar baroh ki la iawad ka sakhi pyrshah ia U Jisu, ia kaban pyniap ia u; te kim shem, ⁵⁶ naba bun ki la iasakhi lamler ia u, hynrei kita ki jingsakhi kim iadei satia. ⁵⁷ Te don kiba la ieng joit bad ki la sakhi lamler pyrshah ia u, ki da ong, ⁵⁸ Ngai la iohsngew ia u ba u da ong, Ngan pynjot ia kane ka templ ba la thaw da ki kti, bad ngan tei lai engi ia kawei pat ka bym da ki kti. ⁵⁹ La kumta ruh ka jingsakhi jong ki kam iabeit satia. ⁶⁰ Uta u rangbah lyngdoh te haba u la ieng joit hagdeng, u la kylli ia U Jisu, u da ong. Mem iathuh ei ei ruh ? ka long aiu ba kine ki iasakhi pyrshah ia me ? ⁶¹ U te u la shu angap, bad um iathuh ei ei ruh em. Uta u rangbah lyngdoh u la kylli pat ia u, bad u ong ha u, Me long uta U Khrist, U Khun jong Uba la kyrkhu ? ⁶² U Jisu te u la ong, Nga long. Bad phin iohi ia U Khun u briew ba u da shong sha ka kti kamon jong ka Bor, bad ba u da

wan ha ki lyoh bneng. ⁶³ Te u rangbah lyngdoh u la kad ia la ki jain, bad u ong, Ngi dang donkam aiu pat ia ki sakhi? ⁶⁴ Phi la iohsngew ia kata ka jinghren bein blei; phi mut kumno? Ki baroh te ki la pynrem ia u ba u dei ban iap; ⁶⁵ don kiba la sdang te ban bynthiew ia u, bad ban tap matlah ia ki khmat jong u, bad ban shoh ia u, bad ban ong ruh ha u, To iathuh antad: kita ki shakri ruh ki la thab ia u da ki sla kti.

U Petros u len ia U Jisu

⁶⁶ Te haba U Petros u dang don harum ha kata ka phyllaw, kawei na kita ki shakri jong u rangbah lyngdoh ka la wan; ⁶⁷ haba ka la iohi te ia U Petros ba u da syaid ding, ka la khmih ia u, bad ka ong, Me ruh me la long lem bad U Jisu u nong Nasaret. ⁶⁸ Hynrei u la len, u da ong, Ngam tip, lymne ngam shemphang kaci ba pha ong. Bad u la mih noh shabar sha ka baranda; te u syiar u la riew. ⁶⁹ Haba kata ka shakri te ka la iohi ia u pat, ka la sdang ban ong ha kita kiba ieng hajan, Uto u long ~~uwe~~ na ki. ⁷⁰ Hynrei u la len pat. Ynda la shibit te kita kiba ieng hajan ki la ong pat ha U Petros, Shisha me long ~~uwe~~ na ki; naba me long u nong Galilaia. ⁷¹ Hynrei u la sdang ban tim bad ban smai ruh, Ngam ithuh ia une u briew uba phi kren shaphang jong u. ⁷² Te kumne kumne ruh uta u syiar u la riew arwat. Te U Petros u la kynmaw ia kata ka ktien kaba U Jisu u la ong ha u, Mynshuwa

ba un riew u syiar arsien, men len ia nga laisien. Haba u la puson ruh ia kita, u la lynfiar.

U Jisu ha khmat u Pilat

15 Te kumne kumne ruh ynda ka la shai, kita ki rangbah lyngdoh ki la iasylla bad kita ki tynmen basan bad kita ki nongthoh bad kata ka dorbar baroh ruh; haba ki la khum ia U Jisu, ki la ialam noh ia u, bad ki la ai noh ha U Pilat. ³ Te U Pilat u la kylli ia u, Me long U Syiem ki Jiw? U te u da iathuh u la ong ha u, Me ong. ³ Bad ki rangbah lyngdoh ki la mudui ia u shaphang bun kiei kiei ruh. ⁴ U Pilat te u la kylli pat ia u, u da ong, Mem iathuh ei ei? ha khmih katno kiei kiei ba ki mudui ia me. ⁶ Hynrei U Jisu um shym iathuh ei ei shuh, kat ban pynlyngngoh ia u Pilat.

La ati noh ia U Jisu ban sahnarphna

⁶ Te ha ka jingkhawai niam ka jinglait u ju pyllait ha ki ia uwei u nongsah byndi, kat uba ki la iapan na u. ⁷ Te la don uwei uba ki khot U Barabbas, ia uba la khum lem bad kita kiba la pynkhihwin, ki briew kiba la pyniap briew ha ka jingkhihwin. ⁸ U paidbah te haba u la pyrtat jam, u la sdang ban pan, *ba un leh* kumba u ju leh ha ki. ⁹ Hynrei U Pilat u la iathuh ha ki, u da ong, Phi mon ba ngan pyllait noh ha phi ia U Syiem jong ki Jiw? ¹⁰ Naba u la tip ba namar kaba bishni kita ki rangbah lyngdoh ki la ai noh ia u. ¹¹ Hynrei kita ki rangbah lyngdoh

ki la pynkhih ia uta u paidbah ba un pyllait noh kein ia U Barabbas ha ki. ¹³ Ynda kumta U Pilat u da iathuh u la ong pat ha ki, Namar kata phi mon ba ngan leh aiu ia uta uba phi khot U Syiem ki Jiw? ¹⁴ Ki te ki la iapyrta jam pat, Sahnarphna ia u. ¹⁵ U Pilat te u la iathuh ha ki, Balei, u la leh ka bymman aiu? Ki te ki la iapyrta jam kham tam, Sahnarphna ia u. ¹⁶ Kumta U Pilat, ba u da mon ban pynsgewbha ia uta u paidbah, u la pyllait noh ha ki ia U Barabbas; te u la ai noh ia U Jisu, ynda u la sympat ia u ban sahnarphna.

Ki shipai ki pyrthuh bein ia U Jisu

¹⁶ Ki shipai te ki la ialam noh ia u hapoh phyllaw, kaba long ka iingbah u lyngskor, bad ki iakhoh lang baroh shi kynhun; ¹⁷ bad ki la pynkup ia u da ka jain saw bthuh, bad haba ki la iathain ia ka pansngiat shiah, ki la pynphong ha u, ¹⁸ bad ki la sdang ban nguh ia u, Khublei U Syiem ki Jiw! ¹⁹ Ki la shoh ruh ia ka khlieh jong u da u prew, bad ki la bynthiew ia u, bad haba ki la dem la ki khoshiew, ki la mane ia u. ²⁰ Ynda ki la lah pyrthuh bein te ia u, ki la loit noh ia kata ka jain sawbthuh na u, bad ki la pynkup ia u la ki jong ki jain, bad ki la ialam noh ia u ban sahnarphna ia u.

Ka jingsahnarphna ia U Jisu

²¹ Ki la pynbor te ia uwei U Simon u nong Kyrini, uba ia id lait, haba u wan na ka ri bri (u kpa U Alexander bad U Ruphos) ban bah ia ka diengphna jong u. ²² Ki la ialam ruh ia u

ha ka jaka Golgotha, kaba long, haba la batai, Ka jaka maloi khlieh. ²³ Bad ki la ai ha u ka um soh wain kaba la iakhleh bad ka mirr ban di; hynrei um shim satia. ²⁴ Te haba ki sahnarphna ia u, ki iabynta ia ki jain jong u, ba ki da ia khalai ia ki, kaci ba uwei uwei un shim. ²⁵ Te ka la lai baje haba ki la sahnarphna ia u. ²⁶ Bad la don ka jingthoh shalor shaphang, ka pop jong u kaba la thoh ha neng, U SYIEM KI JIW. ²⁷ Ki la sahnarphna ia arngut ki dakait ruh lem bad u, uwei sha kamon, uwei shw kadiang jong u. ²⁸ Kumta la pyndep ia kata ka jingthoh, kaba ong: La niew ia u lem bad ki nongpalat.

²⁹ Kiba ia id shata te ki la kren bein ia u, ki da kyrngah ki khlieh jong ki, ki da ong ruh, Ah, me uba pynduh ia ka templ, bad uba tei ia ka lai ngil! ³⁰ To pynim ia lade, to hiar noh ruh na kato ka diengphna. ³¹ Kumjuh ruh kita ki rangbah lyngdoh haba ki kren bein, ki la ong paralok hi lem bad kita ki nongthoh, U la pynim ia kiwei, ia lade pleng um lah ban pynim!

³² To U Khrist, uba U Syiem ki Israel, un hiar noh mynta na kato ka diengphna, ba ngin iohi, bad ngin ioh ngeit ruh! kita ruh ia kiba la sahnarphna lem bad u ki la kren bein ia u.

Ka jingiap U Jisu

³³ Te ynda la dap hynriew baje, ka la long dum ha kata ka ri baroh, haduh kaba khyndai baje. ³⁴ Te hamar kaba khyndai baje U Jisu u la pyrta da ka

ktien bajam, u da ong, Eloi Eloi lamma sabakthani, kaba long, haba la batai, U Blei jong nga, U Blei jong nga balei me la iehnoh ia nga? ³⁵ Kiba na kita te kiba ieng hajan, haba ki la iohangew, ki la ong, Ha sngap, u khot ia U Elias. ³⁶ Uwei te haba u la mareh u la pyndap ia ka spanj da kaba jew, bad u la spain de ha u dieng, u la pyndih ia u, u da ong, to ieh phi, ngin iakhmih la u wan U Elias ban pynhiar noh ia u. ³⁷ Haba U Jisu u la pynmih noh te ia ka ktien bajam, u la ai noh ia ka mynsiem. ³⁸ Te ka jingkah ka jong ka templ ka la kad arliang, naduh jrong haduh tbian. ³⁹ U rangbah shispah te uba ieng hajan ha pyrshah jong u, haba u iohi ba kumta u ai noh noh la ka mynsiem, u la ong, Shisha unc u brier u la long U Khun U Blei. ⁴⁰ La don ruh ki kynthei de kiba jngoh na sha jngai, hapdeng jong ki la don ka Mari ka nong Magdala, bad Ka Mari ka kmie U Jakob uba rit bad U Iosis, bad ka Salomi; ⁴¹ kine ruh mynba u don ha Galilasia, ki la ju bud ia u, bad ki ju shakri ia u; bad bun kiwei kiwei ruh ki kynthei kiba la kiew lem bad u sha Jerusalem.

Kaba tep ia ka met U Jisu

⁴² Mynta te haba la janmiet, namar ba ka long ka sngi Pynkhreh (kaba long ha shuwa ka sabbaton),⁴³ haba la wan U Joseph uba na Arimathaia, u myntri uba donburom, uba u hi ruh u ju ap kyrmen ia ka hima U Blei, da kaba shlur u la leit hapoh ha U Pilat,

bad u la pan ia ka met U Jisu. ⁴⁴ Te U Pilat u la sngewkyndit ba u la da iap katta; te haba u la khot ha u ia uta u rangbah shispah, u kylli ia u, la u la lah iap kham slem. ⁴⁵ Haba u la ioh tip te na uta u rangbah shispah, u la ai sngewbha ia ka met ha U Joseph. ⁴⁶ Te u la thied ia ka jain linen bani, bad haba u la pynhiar noh ia u, u la sop spain ia u ha kata ka jain linen, bad u la buh ia u ha ka jingtep, ia kaba la shna ha u mawsia, bad u la pynthyllun ia u maw ha ka jingkheng kata ka jingtep. ⁴⁷ Te ka Mari ka nong Magdala bad Ka Mari ka kmie U Iosis ki la iakhmih hangno ba la buh ia u.

Ka jingmihpat U Jisu

16 Ynda la lah ka sabbaton te Ka Mari ka nong Magdala, bad Ka Mari ka kmie U Jakob, bad Ka Salomi, ki la thied ia ki jingiwbihi, ba kin ioh wan ban pynsleh ia u. ¹ Te dang step eh ha ka sngi nyngkong jong ka taiew, ki la iawan sha kata ka jingtep, hamar kaba mih ka sngi. ² Ka la iakren paralok hi te, Uei uban pyntyllun noh ia u maw ia ngi na ka jingkheng ka jingtep? ³ (Te haba ki la jngoh, ki la iohi ba la lah pyntyllun noh ia uta u maw), naba u la long uba khraw eh. ⁴ Haba ki la bsut te ha kata ka jingtep, ki la iohi ia u samla uba shong sha kamon, uba la kup ia ka jain lich kaba jynsur; ki la sheptieng ruh. ⁵ U te u la ong ha ki, Wat sheptieng: phi wad ia U Jisu uba na Nasaret, ia uba la sahnarphna? u la mihpat, um don hangne: ha khmih ka jaka ha kaba ki la

ia buh ia u. ⁷Hynrei khie leit iathuh ha ki synran jong u, bad ha U Petros, ba u leit sha shuwa jong phi sha Galilaia; hangta phin iohi ia u, kumba u la ong ha phi. ⁸Haba ki la mih noh te, ki la phet noh na kata ka jingtep, namar kaba sngew phieng bad kaba sngew kyndit ki la ngat ha ki; hynrei kim shym la iathuh ei ei ruh hano hano ruh naba ki la sheptieng.

U Jisu u mihpaw ha ka Mari Magdalen

⁹Haba u la mihpat te mynstep eh ha ka sngi nyngkong jong ka taiew, u la pynpaw nyngkong ha Ka Mari ka nong Magdala, na kaba u la lah beh noh ia ki hynñiew ki ksuid. ¹⁰Ka te ka la leit iathuh ha kita kiba la ju don len bad u, katba ki dang iasngewsih bad iaiaim. ¹¹Ki te haba ki la iohangew ba u dang im, bad ba la lah iohi ruh ia u da ka, kim ngeit.

*U Jisu U mihpaw ha ki ar ngut
ki synran*

¹²Hadien kata u la paw ha kawei pat ka dur ha ki ar ngut na ki katba ki iaiaid ha la ka lynti sha ka ri bri. ¹³Ki ruh ki la leit noh bad ki la iathuh ha kita kiba dang sah, hynrei ia ki ruh kim ngeit

U Jisu U mihpaw ha ki khadwei ngut

¹⁴Hadien te u la paw ha kita ki khadwei ngut hi, katba ki iashong bam lem; bad u la pynrem ia ka jingbymngeit bad ia ka jingeh ka dohnud jong ki, namar ba kim ngeit ia kita kiba la lah iohi ia u hadien ba u la mih pat. ¹⁵U la ong ruh ha ki, To leit sha ka pyrthei baroh, bad to ialap ia ka gospel ha ki bynriew baroh: ¹⁶te uta uba ngeit bad ioh pynbaptis yn pynim; hynrei ia uta ubym ngeit yn pynrem. ¹⁷Kine ki dak ruh kin bud ia kita kiba ngeit; ha ka kyrteng jong nga kin iabeh noh ia ki ksuid, kin kren da Ki thyllie; bathymmai; ¹⁸kin rah noh ia ki bsein, bad lada kin dii ei ei ruh kaba pyniap, kan ym pynsniew ia ki kein; kin buh ia ki kti ha kiba pang, bad kita kin khiah.

La pdiang noh ia U Jisu sha bneng

¹⁹Kumta te ia u Trai Jisu, hadien ba u la lah kren ha ki, la pdiang soit sha bneng, bad u la shong sha kamon U Blei. ²⁰Ki te haba ki la mih noh, ki la ialap kylleng sawdong, U Trai ruh u da trei lem, bad u da pynskhem ia kata ka ktien da ki dak kiba bud. Amen.

